

1 CORINTIOS

Pablo Corinto marãrẽ õãdoredea

¹ Y_u Pablo, Sóstenes merã m_usãrẽ õãdorea. Marĩp_u gããmederosũta Jesucristo y_ure ãgũyare buedoreg_u beyepĩmi. Sóstenes Jesũre b_uremugũ, marĩyag_uta ããrĩmi.

² Y_u ãgũ merã m_usã Corinto marãrẽ gojãa. M_usã Jesucristore b_uremurã, ãgũ merã õãrõ ããrĩsã, Marĩp_uyarã ããrã. Marĩp_u m_usãrẽ, gajerã ããrĩpererogue marã marĩ Op_u Jesucristore: “Iritamuka y_ure!” ãrĩ s_ẽr_ẽrãrẽ siiudi ããrĩmĩ ãgũyarã ããrĩburo, ãrĩgũ. Jesucristo ãgũsã Op_u ããrĩmi. Irasũ ããrĩmakũ, marĩdere marĩ Op_uta ããrĩmi.

³ Marĩp_u ããrĩnĩgũ, marĩ Op_u Jesucristo m_usãrẽ õãrõ iritamũ, siuñajãrĩ merã ããrĩrik_umakũ iriburo.

Marĩp_u Jesucristo merã m_usãrẽ õãrõ iritamumi, ãrĩ gojãdea

⁴ Ëm_urik_u y_u Marĩp_ure _us_uyari sĩnĩkõãa Jesucristo iridea merã ãgũ m_usãrẽ õãrõ iritamumakũ ããgũ.

⁵ M_usã Cristo merã õãrõ ããrĩmakũ, Marĩp_u m_usãrẽ ãgũyamarẽ ããrĩpereri õãrĩrẽ sĩdi ããrĩmĩ. Irasirig_u m_usãrẽ õãrõ p_emasĩrĩ merã ãgũyare gajerãrẽ weremakũ, irire masĩmakũ yãmi.

⁶ Marĩp_u irire sĩgũ, y_u m_usãrẽ: “Cristo õãrõ iritamug_ukumi”, ãrĩderosũta irire iridi ããrĩmĩ.

⁷ Irasirirã marĩ Op_u Jesucristo dupaturi aariburire yũrã Marĩp_u sĩrĩrẽ opapeokõãa.

8 I ñm̄ peremakūguedere ĩgū turari merã m̄sãrẽ Jesucristore b̄remunĩmakū irigukumi. Irasiriḡ marĩ Op̄ Jesucristo dupaturi aarimakū, marĩrẽ waja opamerã ããrĩmakū irigukumi.

9 Marĩp̄, ĩgū: “Ãsũ irigura”, ãrĩdeare keoro irigū ããrĩmi. ĩgũta m̄sãrẽ beyedi ããrĩmĩ, ĩgū magū Jesucristo marĩ Op̄ merã õãrõ ããrĩburo, ãrĩgũ.

Pablo Corinto marãrẽ Marĩp̄yarãrẽ: “Gãme dukawaribirikõãka!” ãrĩ gojadea

10 Yaarã, ȳ marĩ Op̄ Jesucristo dorederosũta m̄sãrẽ ãsũ ãrĩ weregura. Surosũ gũñarĩ merã werenĩka! M̄sã werenĩrĩ merã gãme dukawaribirikõãka! Us̄yari merã werenĩ, surosũ gũñarĩ merã ããrĩrikuka!

11 Yaarã, Cloeya wii marã ȳre m̄sã gãme werenĩ guaseorire werema.

12 M̄sã ãsũ ãrĩ gãme guaseoyuro: “Ḡa Pablo-yarã ããrã”, ãrĩ guaseoyuro. Gajerã: “Apoloyarã ããrã”, gajerã: “Pedroyarã ããrã”, gajerã: “Cristo-yarã ããrã”, ãrĩ gãme guaseoyuro.

13 Irasũ ãrĩ gãme guaseobirikõãka! Marĩ Cristore b̄remurã ããrã. Irasirirã ĩgū suḡyarãta ããrã. Gãme dukawarimasĩña mãa. Ȳ, m̄sãya ããrĩburire curusague boabosabirib̄. M̄sã, ȳ wãĩ merã wãĩyesũbirib̄.

14 Ȳ Marĩp̄re: “Õãa” ãrĩ, us̄yari s̄a. Ȳ m̄sãrẽ deko merã wãĩyebirib̄. Crispo, Gayosã direta wãĩyeb̄.

15 Irasirirã m̄sã: “Ḡa Pablo wãĩ merã wãĩyesũnerã ããrã”, ãrĩmasĩbea.

16 Gajerārē Estéfanaya wii marādere wāīyebu, ārī gūñabu. Gajerāgue tamerārē wāīyebu, ārīmasībirikoa.

17 Cristo yare wāīyedoregu pibirimi. Īgū masakare tauri kere gapure weredoregu pími. Irire yare pígu, masīrīmasā werenírōsū werenídorebirimi. Yɛ, Īgūsā irirosū werenímakū, masaka Cristo curusague boabosadeare pémasībiribokuma. Irasirirā Īgū tauburire neō masībiribokuma.

Cristo merā Marīpɛ turarire, Īgū masīrīrē masīsūa, ārī gojadea

18 Jesucristore bɛremumerā peamegue béosūmurā, Īgū curusague boadea kerere pérā: “Pémasīmerāya bueri āārā”, ārīma. Marī Īgū tausūmurā gapure i kerere pémakū, Marīpɛ Īgū turari merā marīrē Īgūrē bɛremumakū yámi.

19 Marīpɛya werenírī gojadea pūgue āsū ārī gojasūdero āārībú:

I ũmɛ marā masīrīmasā Īgūsā masīrīrē ubu āārīrī dujamakū irigura. Gajinorē ěmabéogu irirosū Īgūsā pémasīrīrē ěmagura, ārīdi āārīmí Marīpɛ.✠

20 Irasirirā: “Masīpeokōāa”, ārīrā, ubu āārīrā dujama. Gajerā Īgūsā gūñarō buerimasāde irasūta dujama. I ũmɛmarē ōārō werenímasīrāde irasūta dujama. I ũmɛmarē: “Ōārō masīa”, ārīkrepɛɛ, Marīpɛ gapɛ Īgūsā masīrīrē ubu āārīrī dujamakū yámi.

21 Marīpɛ masīgū āārīsīā, i ũmɛ marārē Īgūsā masīrī merā Īgūrē masīmakū iribiridi āārīmí. Āsū gapɛ ārīdi āārīmí. Jesucristoya kerere bɛremurārē:

✠ 1:19 Is 29.14

“Taugura”, ārīdi āārīmī. Īgūrē būremumerā gapu iri kerere pérā: “Pémasīmerāya bueri āārā”, ārīma.

²² Judío masaka iri kerere būremumerā: “Marīpu turari merā gajino iri ĩmumakū ĩārāgue būremurākoa”, ārīma. Judío masaka āārīmerā griego masakade i ũmuma ĩgūsā masīrī direta masīduma.

²³ Guā gapu Jesucristo curusague boadiya kerere werea. Judío masaka iri kerere pérā: “Īgū guare taugu meta āārīmi”, ārīma. Judío masaka āārīmerāde iri kerere pérā: “Pémasīmerāya bueri āārā”, ārīma.

²⁴ Marī gapu Marīpu beyenerā āārīsīā, iri kerere pérā: “Marīpu masīgū, turatarigu āārīsīā, Cristo iridea merā marīrē peamegue waabonerārē taugukumi”, ārī masīa. Marī judío masaka, judío masaka āārīmerāde Cristore būremurā āārīsīā, irire masīa.

²⁵ Cristore būremumerā gapu Marīpu ĩgū masīrī merā, ĩgū turari merā iririre āsū ārī gūñama: “Ubu āārīrī āārā”, ārī gūñama. ĩgūsā irasū ārī gūñakerepu, Marīpu masīrī gapu masaka masīrī nemorō ōārī āārītarinugārī āārā. ĩgū turari gapu, masaka turari nemorō āārā.

²⁶ Yaarā, Marīpu mūsārē ĩgūyarā āārīdoregu siiuburo dupuyuro mūsā āārīrikudeare gūñaka! Mūsā i ũmu marā masīrīmasā, dorerimasā, oparā pūrā irirosū āārīrā mērāgā āārīnerā āārībú.

²⁷ Marīpu, i ũmu marā masīrārē guyasīūrō tari-doregu, ĩgūsā pémasīmerā āārīma, ārīrā gapure beyedi āārīmī. Irasū āārīmakū, i ũmu marā oparārē guyasīūrō taridoregu, ubu āārīrā gapure beyedi āārīmī.

28 Ubu ããrĩrã gapure, masaka ããduãña marĩrã gapure beyedi ããrĩmĩ ãgũyarã ããrĩburo, ãrĩgũ. Oparã irirosũ ããrĩrã gapure ubu ããrĩrã dujaburo, ãrĩgũ, irasiridi ããrĩmĩ.

29 Irasirigũ neõ sugũ masakũ: “Yũ gajerã nemorõ masĩtarinũgãgũ ããrĩmakũ ããgũ, Marĩpũ yũre beyedi ããrĩmĩ”, ãrĩmasĩbirikumi.

30 Mũsãrẽ Marĩpũ basita Jesucristo merã õãrõ ããrĩmakũ iridi ããrĩmĩ. Irasirigũ Marĩpũ Cristo merã marĩrẽ ãgũyare masĩmakũ yãmi. ãgũ merã marĩrẽ: “Õãrã, waja opamerã ããrĩma”, ãrĩ ããmi. Irasirirã marĩ ãgũyarã, peamegue waabonerã ãgũ tausũnerã ããrã.

31 Irasiriro Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Neõ sugũ: ‘Gajerã nemorõ masĩtarinũgãgũ ããrã’, ãrĩbirikõãburo. Irasũ ãrĩrõno irigũ marĩ Opũ gapure: ‘Turatarigũ ããrĩsã, marĩrẽ õãtariro iridi ããrĩmĩ’, ãrĩburo”, ãrĩ gojasũdero ããrĩbũ.

2

Cristo curusague boadea kerere gojadea

1 Yaarã, yũ mũsã pũrogo Marĩpũya kerere, masaka masĩbirideare buegũ ejagũ, masĩrĩmasã diasari werenĩrĩ merã buerosũ buebiribũ.

2 Yũ mũsã merã ããrĩgũ: “Jesucristoya kerere, irasũ ããrĩmakũ ãgũ curusague boadea direta buegũra”, ãrĩ gũñabũ.

3 Irasirigũ mũsã merã ããrĩgũ, ubu ããrĩgũ irirosũ pẽñabũ. “Gajipoe irigũ yũ iri kerere õãrõ bue-masĩbiribokoa”, ãrĩgũ, gũi naradari merã ããrĩkubũ.

4 Yũ mũsãrẽ iri kerere bũremumakũ gããmegũ, masĩrĩmasã werenĩrõsũ buebiribũ. Irasirirã,

Marĩpũ turari, Ōãgũ deyomarĩgũ iritamurĩ merã yũ mũsãrẽ iri kerere buemakũ pérã: “Diayeta ããrã”, ãrĩ bũremubũ.

⁵ “Masaka masĩrĩ merã ãgũsã gũare buemakũ bũremua”, ãrĩ gũñamakũ gããmebiribũ. “Marĩpũ, ãgũ turari merã gũare Jesucristoya kerere bũremumakũ yámi”, ãrĩ gũñamakũ gããmegũ, irasũ buebũ mũsãrẽ.

Marĩ Ōãgũ deyomarĩgũ iritamurĩ merã Marĩpũre masĩa, ãrĩ gojadea

⁶ Gũã mũsãrẽ Jesucristore õãrõ bũremurĩ oparãrẽ buerã, Marĩpũ wãro masĩrĩ sĩrĩ merã buea. Iri masĩrĩ i ãmũma meta ããrã. Irasũ ããrĩmakũ, i ãmũ marã masakare dorerãya meta ããrã. I ãmũma ãgũsã basi masĩrĩ perekõãrokoa.

⁷ Gũã, Marĩpũ ãgũ masĩrĩ merã irideare, neõgorague masaka ãgũsã masĩbirideare buea. I ãmũ iriburo dupuyuro, Marĩpũ: “Ãsũ irigura”, ãrĩ gũñasiadi ããrĩmĩ. Irasirigũ marĩrẽ tauburire, marĩ ãmũgasigue ãgũ merã ããrĩnĩburire gũñasiadi ããrĩmĩ.

⁸ ããrĩpererã i ãmũ marã masakare dorerã gapũ Marĩpũ õãrõ gũñadeare pẽmasĩbirinerã ããrĩmã. Irire õãrõ pẽmasĩrãno ããrĩrã, marĩ Opũ Jesucristo õãtarigũre curusague pãbiatú wẽjẽbiribonerã ããrĩmã.

⁹ Ãsũ ãrĩ gojasũdero ããrĩbú Marĩpũya werenĩrĩ gojadea pũgue:

Marĩpũ ãgũrẽ maĩrãya ããrĩburire õãrõ ãmuyusiadi ããrĩmĩ. I ãgũ õãrĩ ãmubosadea, ãgũsã neõ ããbiridea, pẽbiridea, neõ mérõgã gũñabiridea ããrã, ãrĩ gojasũdero ããrĩbú.✧

10 Marĩpũ ãgũ irideare, marĩ masĩbirideare Õãgũ deyomarĩgũ merã marĩrẽ masĩmakũ yámi. Õãgũ deyomarĩgũ Marĩpũ gũñarĩrẽ masĩgũ ããrĩpererire masĩpeokõãmi.

11 Gajigũ masakũ gũñarĩrẽ marĩ neõ masĩbea. ãgũ basi ãgũ gũñarĩrẽ masĩmi. ãgũ irirosũta Õãgũ deyomarĩgũ sugũta Marĩpũ gũñarĩrẽ masĩmi.

12 Marĩrẽ i ãmũma direta gũñabirikõãburo, ãrĩgũ, Marĩpũ marĩrẽ Õãgũ deyomarĩgũrẽ sĩdi ããrĩmĩ ãgũ irirosũ gũñaburo, ãrĩgũ. Marĩrẽ maĩgũ, Õãgũ deyomarĩgũ merã ããrĩpereri ãgũ sĩdeare masĩburo, ãrĩgũ, irasiridi ããrĩmĩ.

13 Irasirirã gũa mũsãrẽ Marĩpũyare buerã, Õãgũ deyomarĩgũ masĩrĩ sĩrĩ merã buea. Gũa basi masĩrĩ merã buebea. Irasirirã, Õãgũ deyomarĩgũ gũare buedorerosũta ãgũrẽ oparãrẽ buea.

14 Õãgũ deyomarĩgũrẽ opamerã, Marĩpũ Õãgũ deyomarĩgũ masĩrĩ sĩrĩrẽ gããmebema. Irire gããmemerã: “Ubu ããrĩrĩ ããrã”, ãrĩma. Õãgũ deyomarĩgũ iritamurĩ merãta marĩ ãgũyare pẽmasĩa. ãgũrẽ opamerã gapũ ãgũyare neõ pẽmasĩbema.

15 Marĩ Õãgũ deyomarĩgũrẽ oparã, ãgũ iritamurĩ merã ããrĩpereri ñerĩrẽ, õãrĩrẽ ãã beyemasĩa. Õãgũ deyomarĩgũrẽ opamerã gapũ, marĩ ãgũrẽ oparã iririre neõ ãã beyemasĩbirikuma.

16 Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Neõ sugũ marĩ Opũ gũñarĩrẽ masĩgũ mámi. Neõ sugũno ãgũrẽ buemasibirikumĩ”, ãrĩ gojasũdero ããrĩbũ. Marĩ gapũ Õãgũ deyomarĩgũrẽ oparã ããrĩsĩã, marĩ Opũ

Cristo gũñarĩrẽ masĩa.

3

Marĩpũyarã ĩgũrẽ moãboerã ããrĩma, ãrĩ gojadea

¹ Yaarã, yũ Õãgũ deyomarĩgũ doreri irirãrẽ buerosũ mũsãrẽ buebiribũ. I ãmũ marã Õãgũ deyomarĩgũrẽ opamerã irirosũ mũsã ããrĩmakũ ĩãgũ, irasiribũ. Cristoyare mũsã bũremuturabirimakũ ĩãgũ, majĩrãgãrẽ buerosũ mũsãrẽ buebũ.

² Irasirigũ, majĩrãgã baari baamasĩmerã, ùpĩku dita mirĩrã irirosũ mũsã ããrĩmakũ ĩãgũ, diasabiri direta mũsãrẽ buebũ. Daporadere mũsã diasari buerire pémasĩbea dapa.

³ Mũsã, Õãgũ deyomarĩgũrẽ opamerã irirosũ gãme uburikurã, gãme ĩãduamerã, gãme dukawariduarã yáa. Irasirirã i ãmũ marã ĩgũsã noó gããmerõ iridũarosũ yáa.

⁴ Mũsã: “Yũ Pabloyagũ ããrã”, gajigũ: “Yũ Apoloyagũ ããrã”, ãrĩ werenía. Irasũ ãrĩrã, i ãmũ marã masaka Õãgũ deyomarĩgũrẽ opamerã irirosũ werenía.

⁵ Gũa Apolos merã, ¿nasirirã ããrĩrĩ mũsã ĩãmakũ? Gũa Marĩpũre moãboerã ããrã. Gũa ĩgũ iridorederosũta yáa. Irasirirã gũa Jesucristoya kerere weremakũ pérã, mũsã ĩgũrẽ bũremunũgãbũ.

⁶ Yũ neõgoraguere mũsãrẽ buerũroribũ. Irasirigũ sugũ oterĩ yerire otegũ irirosũ iribũ. Irasiridero pũrũ, Apolos mũsãrẽ buenemogũ, oterire koregũ irirosũ iridi ããrĩmĩ. Marĩpũ gapũ oterĩ purimakũ irirosũ mũsãrẽ Jesúre bũremunũgãmakũ iridi ããrĩmĩ.

⁷ Irasirirã oteri yerire oterimasã, korerimasãde ubu ããrĩrã ããrĩma. Marĩpũ gapũ iri oterire purimakũ irigũ ããrĩmi. Īgũ sugũta irire irimasĩmi.

⁸ Oteperoridi, pũũ iri oteadeare koredi ĩgũsã suro merã moãboerimasã ããrĩma. Marĩpũ ĩgũsã moãderopã ĩgũsãrẽ keoro wajarigũkumi.

⁹ Gũa Marĩpũyarã ĩgũrẽ moãboerã ããrã. Mũsã gũayarã ããrĩbea. Marĩpũyarã ããrã. Irasirirã mũsã ĩgũya pooere otedea irirosũ ããrã.

Irasũ ããrĩmakũ, mũsã ĩgũ wãri wii irimũrĩri wii irirosũ ããrã.

¹⁰ Wii irimerẽgũ borari keoro nũpũrorigũ irirosũ, yũ, Marĩpũ iritamurõ merã mũsãrẽ Jesucristoyare keoro buepũroribũ. Pũũ gajerã mũsãrẽ buenemorã, iri wiire peomũrĩãrã irirosũ irirãkuma. Iri wiire odorã irirosũ mũsãrẽ buenemorã, gopepyari merã keoro buero gããmea.

¹¹ Marĩpũ Jesucristore sugũreta pídi ããrĩmĩ masakare tauburo, ãrĩgũ. Irasirigũ yũ mũsãrẽ buegũ, Jesucristo masakare tauri kerere buepũroribũ. Neõ sugũno iri kerere gorawayumasĩbirikumi.

¹² Jesucristoyare õãrõ keoro buenemorã, oro, plata, gaji wajapari ãtãyeri merã wii irirã peomũrĩãrã irirosũ irirãkuma. Gajerã gapũ piriri yuku merã, tá merã, mijĩ pũ merã tiãmũrĩãrã irirosũ irirãkuma. Īgũsã irirosũ gajerã mũsãrẽ buenemorã, ubu ããrĩrĩrẽ, mata pererĩnorẽ buerãkuma.

¹³⁻¹⁴ I ãũũ peremakũ, Jesucristo masakare ĩgũsã buedeare: “I mũsã bueadea õãbũ, i õãbiribũ”, ãrĩ weregũkumi. Oro, plata, wajapari ãtãyeri merã iridea gapũ peamegue soemakũ ãjũbirikoa.

Yuku, tá, pūrī merā iridea gapu ūjūperekōārokoa. Irasirigu, gajinorē peamegue soegu, ¿dií ūjūrokuri, dií ūjūbirikuri? ārī beyerosū, Jesucristo ĩgūsā ōārō, ñerō buedeare beyegukumi. Ōārō keoro buedire keoro wajarigukumi.

15 Ōārō keoro buebiridi gapure wajaribirikumi. Gajino ūjārōsū ĩgū bueдея waja, wajataboadea perekōārokoa. ĩgū wajatabirikeregu, peamegue waabirikumi. Tausūgukumi. Wii ūjūmakū duri-wiriagu irirosū mérōgā tarigukumi.

16 ¿Musā masīberi? Ōāgū deyomarīgū marīguere āārīmi. Irasirirā Marīpuya wii irirosū āārā.

17 ĩgūya wii irirosū āārīrā, ĩgūyarā āārā. Irasirigu Marīpu ĩgūyarārē poyanorērānorē poyanorēgukumi.

18 Musā basi péwisibirikōāka! “Yu i ūmu marā buerire masītarinugāgū āārā”, ārībirikōāka! Irire masīmerā irirosū āārīka! Irasirimakū, Marīpu di-ayeta ōārō masīrā dujamakū irigukumi.

19 I ūmu marā ĩgūsā masīrī, Marīpu ĩāmakū ubu āārīrī āārā. Marīpuya werenírī gojadea pūgue āsū ārī gojasūdero āārībú: “Marīpu gapu masīrīmasā: ‘Āsū irirāra’, ārī gūñaderosū iriduarire iribirimakū yāmi”, ārī gojasūdero āārībú.

20 Gajeroguedere āsū ārī gojasūdero āārībú: “Marī Opu, i ūmu marā masīrīmasā gūñarīrē masīmi. Irire masīgū: ‘Ubu āārīrī āārā iri’, ārī ĩāmi”, ārī gojasūdero āārībú.

21 Irasirirā musārē buegure: “Gajigu nemorō ōārō buemi”, ārībirikōāka! Marīpu āārīpereri musāya āārīburire sīsiadi āārīmí.

²² Irasirigu yare, Apolore, Pedrore iriumi musã õãrõ ããrĩburire buedoregu. Irasũ ããrĩmakũ, i ãmama, musãya ããrĩburire sĩdi ããrĩmĩ. Dapora musã ããrĩburire, musã boadero purugue ããrĩburidere sĩdi ããrĩmĩ. I ããrĩpereri musãya ããrã.

²³ Irasũ ããrĩmakũ, musã Cristoyarã ããrã. Cristo Marĩpuyagu ããrĩmĩ. Irasirirã musã Cristo merã Marĩpuyarã ããrã.

4

Pablo, Jesucristo ãgũyare buedoregu pĩnerã moãrĩrẽ gojãdea

¹ Musã guare: “Cristore moãboerimasã ããrĩma”, ãrĩ gũñarõ gããmea. Guare Marĩpuya kerere, masaka masĩbirideare buedoregu pídi ããrĩmĩ.

² Moãrĩmasã ãgũsã opu dorerire keoro irirã irirosũ gua Cristore moãboerimasãdere ãgũ dorerire keoro iriro gããmea.

³ Musã yare: “Marĩ Opuyare õãrõ buemi, o õãrõ buebirimi”, ãrĩmakũ, neõ bũjawerebirikoa. Gajerã masaka, yu buerire: “Keoro ããrã, o keoro ããrĩbea”, ãrĩmakũdere neõ bũjawerebirikoa. Yu baside yu buerire: “I gapure õãrõ buebu, i gapure õãrõ buebiribu”, ãrĩmasĩbirikoa.

⁴ Yu buedeare gũñagũ: “Ñerõ buekubu”, ãrĩ gũñabea. Irasirigu: “Yu ñerõ bueдея waja, waja opáa” ãrĩmasĩbea. Marĩ Opu suguta yu buerire: “Õãgoráa, o õãbea”, ãrĩ masĩmi.

⁵ Irasirirã marĩ Opu i ãmugue dupaturi aariburo dupuyuro gajerãrẽ: “ãgũ dorederosũ keoro iribema”, ãrĩ werewuabirikõãka! ãgũ dupaturi aarigũ, ããrĩpererãrẽ ãgũsã iridea

gajerã masĩbirideare masĩmakũ irigũkumi. Īgũsã gũñarĩgue: “Ãsũ iridũakoa”, ãrĩ gũñadeadere masĩmakũ irigũkumi. Irasirigũ Marĩpũ õãrõ irirãrẽ: “Õãrõ iribũ”, ãrĩgũkumi. Īgũsã õãrõ irideropã ĩgũsãrẽ keoro irigũkumi.

⁶ Yaarã, musãya ããrĩburire gũa Apolos merã iririkurire werebũ, musãde gũa irirosũta iriburo, ãrĩgũ. Marĩpũya werenĩrĩ gojadea pũgue ĩgũ dorerire tarinũgãbirikõãburo, ãrĩgũ, musãrẽ irire werebũ. Irasirirã musã gũare ĩãkũirã: “Gũare buegũ gapũ, musãrẽ buegũ nemorõ masĩtarinũgãmi”, ãrĩbirikoa.

⁷ Musã gajerã nemorõ masĩtarinũgãrã ããrĩbea. ããrĩpereri musã opari, Marĩpũ musãrẽ sĩdea dita ããrã. Īgũ sĩdea ããrĩkerepũrũ, iro tamerãrẽ, ĩnasirirã musã basi: “Īgũyare masĩpeokoa”, ãrĩrĩ? Īgũ musãrẽ masĩrĩrẽ sĩbirimakũ, neõ masĩbiribokoa. Īgũ musãrẽ masĩmakũ iridea direta masĩa.

⁸ Musã i gapũre ãsũ ãrĩ gũñadãa: “Gũa ããrĩpereri opãa. Marĩpũyare masĩpeokõãa”, ãrĩ gũñadãa. Irasirirã gũa musãrẽ ĩgũyare buenemomakũ gããmebea. Musã oparã irirosũ: “ããrĩpereri masĩtarinũgãrã ããrã”, ãrĩ gũñadãa. Musã diayeta oparã irirosũ ããrĩpereri masĩtarinũgãrã ããrĩmakũ õãtaribokoa. Irasirirã gũa musãrẽ buerãde musã merã oparã irirosũ ããrĩbokoa.

⁹ Yũ ãsũ ãrĩ peñãa: “Marĩpũ gũare Jesucristoyare buedoregũ pĩgũ, ããrĩpererã nemorõ ubu ããrĩrã irirosũ ããrĩdoregũ pĩdĩ ããrĩmĩ”, ãrĩ peñãa. Irasirirã gũa wẽjẽbéosũmurã irirosũ ããrã. ããrĩpererã i ũmũ marã masaka, Marĩpũre wereboerã ĩũrõ gũa ñerõ taria.

10 Jesucristoya kerere gwa buemakũ, masaka gware: “Pemasĩmerã ããrĩma”, ãrĩma. Musã gapu musã basi: “Gwa Cristoyare pemasĩpeorã ããrã”, ãrĩkoa. Gwa, musã iãmakũta ubu ããrĩrã ããrã. Musã gapu: “Gwa oparã irirosũ ããrã”, ãrĩkoa. Masaka gwa gapure ubu iãbéokõãma. Musã gapure gopeyari merã iãma.

11 Gwa neõgoragueta ñerõ taripurorimarĩnerã, daporaguedere irasũta ããrĩkõãa. Uboãa, ñemesibua, suri opabea. Jesucristore burenumerã gware burõ ñerõ iribirama. Gwa buegorenasĩa, wiiri opabea.

12 Irasũ ããrĩmakũ, gwaya ããrĩburire, gwa baaburidere, gwa basi moãpoyãa. Gajerã gware ñerõ werenĩmakũ, gwa gapu Marĩpure iğũsãya ããrĩburire sërëbosãa. Gajerã gwa noó waaró gware ñerõ irimakũ, ubu péñakõãa.

13 Gajerã gware ñerõ arĩ werewuamakũ, gwa gapu iğũsarë amuduarã, iğũsarë õãrõ merã werea. I umamarë iğũsã gããmebirire iğũsã béodea irirosũ gware iãma. Neõgoragueta gware doopurorinerã, daporaguedere irasũta doonĩkõãma.

14 Irire gojagu, musãrë gwasĩrĩdoregu meta yãa. Yu musãrë maĩgũ, yu pũrãrë irirosũ werea.

15 Wãrã gajerã diez mil gora musãrë Cristoyare buebonerã ããrĩkerepuru, iğũ masakare tauri kerere buepuroridi suguta ããrĩmi. Iri kerere musãrë buepuroridi yuta ããrã. Yu iri kerere buemakũ pérã, musã iğũrë buremunugãbu. Irasirigu yu musãrë irirosũ ããrã.

16 Irasirigu musãrë: “Yu iririkurire, majĩrã iğũsã pagure iãkũĩrõsũ iãkũĩtuyaka!” arĩ werea.

17 Musã irire irimakũ gããmegũ, Timoteore musã

purogue iriua. Īgũ yu buedi yu magũ irirosũ, yu maĩgũ aãrĩmi. Marĩ Opu gããmerõsũ keoro irinĩkõãmi. Yu Cristore buremugũ iririkurire musãrẽ gũñamakũ irigukumi musãde irasũta iriburo, arĩgũ. Irasirigu, aãrĩpererã Cristore buremurãrẽ aãrĩpererogue aãrĩrãrẽ yu buederosũta musãrẽ buegukumi.

¹⁸ Surãyeri musã watope aãrĩrã: “Pablo guu puro aaribirikumi”, arĩ gũñañurã. Irasirirã Īgũsã basi: “Guu gajerã nemorõ masĩtarinugãrã aãrã”, arĩ, gũñanĩkõãñurã.

¹⁹ Yu gapu asũ arĩ gũñãa: “Marĩ Opu gããmemakũ, mata musã purogue waagura”, arĩ gũñãa. Irogue ejagu, masĩtarinugãrã aãrã, arĩ werenĩrãrẽ ĩagura. Iri direta ĩãbirikoa. “¿Diayeta Īgũsã marĩ Opu turari merã ĩgũyare irirãta yãri?” arĩ ĩãgukoa.

²⁰ Marĩpu ĩgũyarãrẽ doreri asũ aãrã. Marĩ ĩgũyare werenĩkererã irire marĩ iribirimakũ, marĩ werenĩrĩ wajamãa. Īgũ turari merã ĩgũyare irimakũ gããmeme.

²¹ ¿Ñeonorẽ gããmekuri musã? ¿Musã purogue musã ñerõ iriri waja musãrẽ turigu waamakũ gããmekuri, o musã õãrõ iriri waja gapure usuyari merã musãrẽ weregu waamakũ gããmekuri?

5

Ñerõ irigure béoka! arĩ gojadea

¹ Gajerã asũ arĩ kere werema yure. Sugu musã merãmu ĩgũ búamorẽta marãpokuyupu. Irire pégu, pégukakõãbu. Gajerã Marĩpure masĩmerã aãrĩkererã, irasũgora ñerõ iribema.

² Īgũ ñerĩ irigu musã merã ããrĩkerepuru, musã gapu: “Gua gajerã nemorõ õãrã ããrã”, ãrĩ gũñadãa. Irasũ gũñarõno irirã, Īgũ ñerĩ iriri gapure buro bujawereri merã gũñaka! Irasirirã, Īgũ ñerõ iririre piribirimakũ ĩãrã, ĩgũrẽ béokõãka! Musã merã nerẽdorebirikõãka!

³ Yu gapu musã purogue ããrĩbirikeregu, yu gũñarĩ merã musã merã ããrĩgũ irirosũ ããrã. Irasirigu yu gũñarĩgue musãrẽ: “Īgũ ñerõ irigure béokõãrõ gããmea”, ãrĩ gũñasiãa.

⁴ Irasirirã musã, marĩ Opu Jesucristoyarã, Īgũ dorero merã nerẽka! Yude, yu gũñarĩ merã musã merã nerẽgũ irirosũ ããrĩgũkoa. Marĩ Opu Jesúde ĩgũ turari merã musã merã ããrĩgũkumi.

⁵ Musã irasũ nerẽrã, Īgũ ñerõ irigure béokõãka, wãtẽa opu Satanás Īgũ gããmerõ ĩgũrẽ iriburo, ãrĩrã! Irasirigu ñerõ tarigu, Īgũ ñerõ iririre pirigũkumi. Marĩ Opu Jesús i umugue dupaturi aarigũ, ĩgũrẽ taugũkumi.

⁶ Īgũ ñerõ irigure béomerã: “Gua gajerã nemorõ õãrã ããrã”, ãrĩ gũñabirikõãka! Musã ĩgũ ñerõ iririre ubu ĩãkõãrã, ããrĩpererã musãde ĩgũ ñerõ iririre pẽrẽbejarãkoa. ¿Musã ãsũ ãrĩ wererire masĩberĩ? “Pãrẽ irirã, meroãgã pã wemasãrĩ poga merã trigo pogare morẽkuma. Puru iri wemasãseyakõãkoa”, ãrĩ werea. Iri poga wemasãseyarosũta ñerĩde musãguere õãrõ seyakõãrokoa.

⁷ Irasirirã Īgũ ñerĩ irigure béoka, gajerãde ñerõ iriri, ãrĩrã! Guayarã, judío masaka pascua bosenu irimurã pã wemasãmakũ iriri pogare béokuma. Irire béorosũta musã ñerĩ iririre béoka, ñerĩrẽ opamerã ããrĩmurã! Pascua bosenu ããrĩmakũ, judío

masaka ovejare wējĕkuma ĩgŭsā ñerĩ iridea wajare Marĩpũre béodorerā. Oveja boaderosũta Cristo marĩ ñerō iridea waja boabosadi āārĩmĩ Marĩpũ marĩrē: “Ñerĩ marĩrā āārĩma”, ārĩ ĩāburo, ārĩgũ.

8 Irasirirā marĩ ñerĩ iririkũdeare pirikōārō gāāmea. Ñerĩrē iriro marĩrō āārĩrō gāāmea. Irigatori marĩrō, diayema ōārō werenĩrĩ merā āārĩrō gāāmea.

9 Yũ mŭsārē iripoegue gojadea pũgue āsũ ārĩ gojabũ: “Nomerē ñerō gāmebirarikũrārē wapikũbirikōāka!” ārĩ gojabũ.

10 Yũ irasũ gojagũ: “Āārĩpererā ñerō iririmasā i ũmũgue āārĩrārē neō wapikũbirikōāka!” ārĩgũ meta iribũ. I ũmũguere noó mŭsā waaró Jesúre bũremumerā āārĩma. Nomerē ñerō gāmebirarikũrā, gajerāyare bũro gāāmerā, yajarimasā, keori weadeare bũremurĩmasā wārā āārĩma. ĩgŭsā āārĩpererogue āārĩmakũ, ĩgŭsāno marĩrōgue waamasĩña máa.

11 Āsũ gapũ ārĩ gojabũ: “Surāyeri mŭsā merā āārĩrā: ‘Jesúre bũremua’, ārĩkererā ñerĩ iririkũmakũ ĩārā, ĩgŭsārē wapikũbirikōāka!” ārĩ gojabũ. “Irasirirā nomerē ñerō gāmebirarikũrārē, gajerāyare bũro gāāmerārē, keori weadeare bũremurārē, gajerārē ñerō kere wererārē, mejārikũrārē, yajarikũrārē wapikũbirikōāka! Irasiririkũrāno merā neō baabirikōāka!” ārĩ gojabũ.

12-13 Marĩpũ Jesúre bũremumerārē ĩgŭsā ñerō iridea waja wajamoāgũkumi. Irasirigũ yũ mŭsārē: “Wajamoāka ĩgŭsārē!” ārĩbea. Mŭsā tamerā mŭsā merā āārĩrārē ĩgŭsā ñerō irimakũ ĩārā, ĩgŭsārē

wajamoãka! Marĩpɥaya werenĩrĩ gojadea pũgue gojaderosũta irika! Āsũ ģĩ gojasũdero ģĩrĩbũ: “Sugũ musã merã ģĩrĩgũ ñerõ irimakũ ģĩrã, ģĩgũrẽ bẽokõãka!” ģĩrĩ gojasũdero ģĩrĩbũ. Irasirirã musã merã ģĩrĩgũrẽ ģĩgũ búamorẽ ñerõ irigure bẽokõãka!

6

Jesúre bɥremurã gãme weresãrĩrẽ gojadea

¹ Musã basi gãme guaseorã, ģnasirirã weresãrĩrẽ beyerimasã Jesúre bɥremumerã pɥroque ãmudorerã waari? Jesúre bɥremurãrẽ musã merãmarãrẽ weresãduarã, gajerã Jesúre bɥremurãrẽ irire ãmudorerã waarõ gããmea.

² ģIre musã masĩberi? I ũmɥ peremakũ, marĩ Jesúre bɥremurã Marĩpɥayarã ģĩrĩsĩã, Jesús merã i ũmɥ marãrẽ dorerã ģĩrĩrãkoa. Irasirirã ģĩgũsãrẽ doremurã daporadere marĩ gãme guaseorire ãmudoremasĩa.

³ ģIdere masĩberi musã? Marĩ Jesús merã Marĩpɥre wereboerã ũmɥgasigue ģĩrĩrãrẽ dorerãkoa. Irasirirã ģĩgũsãrẽ doremurã ģĩrĩsĩã, i ũmɥmadere ãmudoremasĩa.

⁴ ģNasirirã i ũmɥmarẽ gãme guaseorã, Marĩpɥyare masĩmerã pɥroque irire ãmudorerã waari?

⁵ Musãrẽ gɥyasĩrĩburo, ģĩrĩgũ, ire gojãa. ģMusã watopeguere neõ sugũ masĩgũ, musã guaseorire ãmugũno marĩgorakõãrĩ?

⁶ Musã merãmɥ masĩgũno gapɥre ãmudorerono irirã, gajigu Jesúre bɥremugũrẽ weresãduarã, Jesúre bɥremumerã pɥroque ãmudorerã waãa.

7 Irasiriro, musã gãme guaseorã, musã basi ãmumasĩmerã, Jesúre b̄remumerã p̄rogue irire ãmudorerã waamakũ õãbea. Īgūsãrẽ weresãrõno irirã, gajerã Jesúre b̄remurã musãrẽ diaye iribiri-deare, musãrẽ yajadeare irasũ ĩãkõãmakũ nemorõ õãboakuyo.

8 Musã Jesúre b̄remurã ããrĩkererã, gajerã musãyarãrẽ diaye irimerã, musãde ĩgūsãyare yajarã yãa.

9 ¿Ire musã masĩberi? Ñerõ iririkurã Marĩp̄ ĩgũyarãrẽ doreroguere waabirikuma. Ire péwisibirikõãka! Ūma nomerẽ ñerõ gãmebirarikurã, keori weadeare b̄remurĩmasã, gajiḡu marãpore ĩma marãpokurã, gajego marãp̄u merã ñerõ iririkurã, ũma seyaro ĩgūsã dup̄u merã ñerõ iririkurã, nomede ĩgūsã seyaro ñerõ iririkurã Marĩp̄u p̄rogue neõ waabirikuma.

10 Irasũ ããrĩmakũ, yajarimasã, gajerãyare b̄uro gããmerĩmasã, mejãrikurã, gajerãrẽ ñerõ kere wererimasã, ãrĩgatori merã gajerãyare yajarimasã neõ Marĩp̄u p̄rogue waabirikuma.

11 Iripoeguere musã surãyeri irasiririkurã ããrĩnerã ããrĩbũ. Irasiririkurã ããrĩkerep̄u, Marĩp̄u musã ñerĩ oparire koedi ããrĩmĩ ĩgũyarã ããrĩmakũ iriḡu. Irasiriḡu musãrẽ: “Õãrã, waja opamerã ããrĩma”, ãrĩ ĩãmi. Marĩ Op̄u Jesucristo iridea merã, Õãgũ deyomarĩgũ musãguere ããrĩrĩ merã irasũ ãrĩ ĩãmi.

Marĩya dup̄u merã õãrõ iridorea, ãrĩ gojadea

12 Masaka surãyeri ãsũ ãrĩ werenĩma: “Marĩ iriduarire noó gããmerõ irimasã”, ãrĩ werenĩma. Irasũta ããrã, ãrĩrõ tamerã. Ȳu iriduarĩ gajerãrẽ

iritamubirimakū ãġū, irire iribea. Irasirigū irire piridūagū, pirikōārō gāāmea.

13 I masaka werenířĩ diayeta āārā. Āsū āřĩ wereníma: “Baari, marīya paruma āārĩburi āārā. Marīya paru, baari baasādiru āārā”, āřĩ wereníma. Marīpū gapū i pe wāirē peremakū irigūkumi. Irasiro baari, marīya paru irasū āārĩkōārō yāa. Āsū gapū āārā. Marīpū, marīya dupū irigū, ñerĩre ĩaribejaburi dupūre iribiridĩ āārĩmĩ. Marĩ Opū Jesucristo gāāmerĩ gapūre iriburi dupū āārā. Īġūta marĩ merā āārĩġū marīya dupū Opū āārĩmi irire ōārō iribu.

14 Marīpū ĩġū turari merā marĩ Opū Jesucristo boadero pūpū, ĩġūya dupūre masūdi āārĩmĩ. Īġūrē masūderosūta marĩ boadero pūpū, marīya dupūdere masūġūkumi.

15 ĴIre māsā masĩberi? Marĩ Cristoyarā āārĩmakū, marīya dupū, ĩġūya dupūma āārĩřĩ irirosū āārā. Marĩ irasū āārĩrā, nomeō ĩma merā ñerō iririkarimasō merā ñerō irimakū ōābirigorakōāa. Irasirirā irinorē neō iribirikōādorea.

16 ĴIdere māsā masĩberi? Marīpūya werenířĩ gojadea pūġue āsū āřĩ gojasūdero āārĩbū: “Īmūmū, nomeō merā marāpokūġū, pērā āārĩkererā, Marīpū ĩāmakū su dupū irirosūta āārĩrākuma”, āřĩ gojasūdero āārĩbū. Irasirigū sugū ñegō merā marāpokūmakū, ĩġūya dupū igoya dupū merā āārĩrō, su dupū irirosūta āārā.

17 Irasūta sugū marĩ Opū Jesucristore bāremugū ĩġū merā pērā āārĩkererā, su dupū irirosūta āārĩma. Irasirirā su ġūñarĩta opama.

18 Irasirirā ĩma nomerē gāmebirarire neō

iribirikõäka! Gaji marĩ ñerõ iririre irirã, marĩya dupuquere ñerõ iribeä. Őma ĩgũsã marãposã nome ããrĩmerã nomerẽ gãmebirarã gapu ĩgũsã basi ĩgũsãya dupure ñetariro irirã yãma. Cristoya dupuquere ñerõ irirã irirosũ yãma.

¹⁹ ¿Mũsã ire masĩberi? Marĩpu marĩrẽ Őãgũ dey-omarĩgũrẽ sĩdi ããrĩmĩ. Irasirĩgu Őãgũ deyomarĩgũ marĩguere ããrĩmakũ, marĩya dupu ĩgũya wii irirosũ ããrã. Irasiriro marĩya dupu marĩya dupugora ããrĩbeä.

²⁰ Marĩpu marĩrẽ buro maĩgũ, Jesucristore iri-udi ããrĩmĩ marĩ ñerĩ irideä wajariidoregu. ĩgũyarã ããrĩburo, ãrĩgũ, irasiridi ããrĩmĩ. Irasirirã marĩ ĩgũ wajariinerã ããrĩsã, marĩya dupu merã Marĩpu gããmerõsũta iriro gããmeä gajerãde ĩgũrẽ buremuburo, ãrĩrã.

7

Mojõsiarimarẽ gojadeä

¹ Daporare mũsã yure sërẽña gojadeare yuɲugura. Marãpokubirimakũ, marãpukubirimakũ, õãgorãä.

² Irasũ ããrĩkererupu, ããrĩpereroguerẽ ũma nomerẽ gãmebirari ããrã. Irasirirã ũma ĩgũsãku marãpokuro gããmeä, gajerã nome merã ñerõ iriri, ãrĩrã. Nomede ĩgũsãku marãpukuro gããmeä, gajerã ũma merã ñerõ iriri, ãrĩrã.

³ Marãpokugũ ĩgũ marãpo merã õãrõ ããrĩrikuro gããmeä. Igode marãpu merã õãrõ ããrĩrikuro gããmeä.

⁴ Marãpukugore igoya dupu igoya dita ããrĩbeä. Igo marãpu gããmerõsũta ĩgũ merã ããrĩõ gããmeä.

Igo marãpudere ãgũya dupu ãgũya dita ããrĩbea. ãgũ marãpo gããmerõsũta igo merã ããrĩrõ gããmea.

⁵ ãsũ iriburo. Igo marãpu igo merã ããrĩduamakũ yũjuburo. ãgũde igore yũjuburo. ãgũsã Marĩpũre sãrẽmurã: “Irikũnarĩ marĩ iririkũrinorẽ iribirikõãrã”, ãrĩ ãmuadero pũru merẽ irasũ iribirikõãburo. Marĩpũre sãrẽ odoadero pũru, dupaturi ãgũsã ããrĩrikũderosũta ããrĩburo doja. ãgũsã irasiribirimakũ, wãtĩ ãgũsãrẽ gajerã merã ñerõ irimakũ iribokumi.

⁶ Yũ mũsãrẽ ire dorerigora irirosũ werenĩgũ meta yãa. Mũsã irasũ irimakũ õãrokoa, ãrĩgũ, irasũ ãrã.

⁷ Yũ ãsũ ãrĩ gũñãa. ããrĩpererã mũsã yũ irirosũta marãpo marĩrã ããrĩmakũ gããmeadikoa. Marĩpu gapũ marĩ ããrĩpererãrẽ sũrosũ pĩbiridi ããrĩmĩ. Surãyerire marãpo marĩmurãrẽ, o marãpu marĩmurãrẽ pĩdi ããrĩmĩ. Gajerã gapũre marãpokũmurãrẽ, o marãpokũmurãrẽ pĩdi ããrĩmĩ.

⁸ Irasirigu mũsã marãpo marĩrãrẽ, marãpu marĩrãrẽ, wapiweyarã nomerẽ ãsũ ãrã. Yũ irirosũ mũsã marãpokũbirimakũ, o marãpokũbirimakũ õãgorãa.

⁹ Ũma, nome merã ããrĩduarire nuãamerãno marãpokũburo. Nomede irasũta iriburo. ãgũsã marãpokũmakũ, marãpokũmakũ õãgorãa. Irasirirã ãgũsã nome merã, ũma merã ããrĩduari direta gũñãnĩbirikuma.

¹⁰ Marãpokũrãrẽ, marãpokũrãrẽ yũ ãsũ dorea. I yũ doreri ããrĩbea. Marĩ Opũ ire doredi ããrĩmĩ. ãsũ ãrĩ doredi ããrĩmĩ: “Nomeõ igo marãpũre bẽobirikõãburo”.

11 Nomeõ igo marãpũre béogo, gajigũre marãpũkũbirikõãrõ gããmea. Igo marãpũ ããrĩdi merã ãmubeo, sugota ããrĩkõãrõ gããmea. Ɛmũude ãgũ marãpore béobirikõãrõ gããmea. ãgũde ãgũ marãpo ããrĩdeo merã ãmubi, marãpo marãgũta ããrĩkõãrõ gããmea.

12 Gajerãrẽ yũ gũñarĩrẽ weregũra marĩ Opũ weredoredea ããrĩbirikerepũrũ. ãsũ ãrã. Sugũ Jesũre bũremugũ, Jesũre bũremubeore marãpokũadero pũrũ, igo ãgũ merãta dujadũamakũ, igore béobirikõãrõ gããmea.

13 Nomeõde Jesũre bũremugõ Jesũre bũremubire marãpũkũgo, igo merã ãgũ dujadũamakũ, ãgũrẽ béobirikõãrõ gããmea.

14 Sugũ Jesũre bũremubi marãpo Jesũre bũremugõ ããrĩmakũ ããgũ, Marĩpũ ãgũrẽ: “Yaagũ irirosũ ããrĩmi”, ãrĩ ããmi. Irasũta sugo Jesũre bũremubeo marãpũ Jesũre bũremugũ ããrĩmakũ ããgũ, Marĩpũ igore: “Yaago irirosũ ããrĩmo”, ãrĩ ããmi. ãgũ irasũ ããbirimakũ, ãgũsã pũrã Jesũre bũremumerã pũrã irirosũ ããrĩbokuma. Irasirigũ ãgũsã pũrãdere Jesũre bũremurã pũrã irirosũ ããmi.

15 Jesũre bũremubi gapũ ãgũ marãpo Jesũre bũremugõrẽ béodũagũ, béoburo. Irasũta Jesũre bũremubeo igo marãpũ Jesũre bũremugũrẽ béodũago, béoburo. Marĩpũ marĩrẽ gajerã merã gãmekẽãrõ marĩrõ usũyari merã ããrĩmakũ gããmemi. Irasirirã ãgũsã béodũamakũ õãgorãa.

16 Jesũre bũremugõ, igo marãpũ Jesũre bũremubire: “Yũ merã ããrĩgũ, bũremugũkumi”, ãrĩmasĩña mãa. Irasũta Jesũre bũremugũ, ãgũ marãpo Jesũre bũremubeore: “Yũ merã ããrĩgõ,

buremugokumo”, ãrĩmasĩña máa.

17 Āsũ iriro gãamea marĩrẽ ããrĩpererã marĩ Opũ Jesucristoyarãrẽ. Marĩpũ marĩrẽ Jesúre buremunũgãdoregũ siiudeapoe ãgũ marĩrẽ: “Āsũ irika!” ãrĩ píderosũta iriwãgãrõ gãamea. Yũ irire ããrĩperero marãrẽ Jesúre buremurãrẽ dorea.

18 Marĩpũ sugũre ãgũya dupũma gasirogãrẽ* wiirisũdire siiumakũ, irasũta dujaro gãamea. Irasũta wiirisũbire siiumakũ, wiirisũbita dujaro gãamea.

19 Daporare wiirisũnerã ããrĩrĩ, wiirisũbirinerã ããrĩrĩde wajamáa. Marĩpũ dorerire marĩ iriri gapũ wajakũtarinũgãa.

20 Irasirirã Marĩpũ marĩrẽ masakakũre siiudeapoe ãgũ marĩrẽ píderosũta iriwãgãrõ gãamea.

21 Marĩpũ mũsãrẽ siiudeapoe surãyeri gajerãrẽ moãboerimasã ããrĩbũ. Irasũ ããrĩkererã, mũsã moãboerimasã ããrĩrĩrẽ gũñarikũbirikõãka! Gajipoe mũsã oparã mũsãrẽ wiudũamakũ, wirika!

22 Marĩpũ mũsãrẽ marĩ Opũ Jesucristore buremudoregũ siudi ããrĩmĩ. Irasirirã surãyeri mũsã gajerãrẽ moãboerimasã ããrĩkererã, daporare Jesucristoyarã ãgũ wiunerã irirosũ ããrã ãgũyare irimurã. Mũsã gajerãrẽ moãboerimasã ããrĩbirikererã, daporare Jesucristore moãboerã ããrã.

* **7:18** Gn 17.1-14: Iripoegue Marĩpũ Abrahãrẽ ãgũ pũrã ãmarẽ: “Yaarã ããrĩburo”, ãrĩgũ, ãgũsãya dupũma gasirogãrẽ wiiridoredi ããrĩmĩ. Pũgũ iri dorerire Moisére pídi ããrĩmĩ. Irasirirã judío masaka Abraham parãmerã ããrĩturiarã iri dorerire irirã, ãgũsã pũrã ãmarẽ su mojõma pere gaji mojõ ngeru pẽrẽbejarinũrĩ waaró merã ãgũsã deyoadero pũgũ irasũ yáma.

23 Marĩpu marĩrẽ ãgũyarã ããrĩburo, ãrĩgũ, ãgũ magũ Jesucristo boagu dí béodea merã wajaridi ããrĩmĩ. Irasirirã masakare moãboerã irirosũ ããrĩbirikõãka! Masaka gããmerĩnorẽ iribirikõãka! Marĩpu gããmerĩ gapure irika!

24 Irasirirã, Marĩpu musãrẽ Jesucristore buremunugãdoregu siiudeapoe musãrẽ píderosũta ãgũ merã õãrõ ããrĩnikõãka!

25 Daporare musã marãpo marĩrãrẽ, marãpu marĩrãdere weredũakoa. I yu wereburi marĩ Opũ weredoredea ããrĩbea. Irasũ ããrĩbirikerepuũ, yu basi gũñarĩ merã musãrẽ weregũra. Marĩ Opũ yure bopoñarĩ merã ããsĩã, yure iritamumi. Irasirirã musã yu wererire: “Irimakũ õãgorã”, ãrĩ masĩrãkoa.

26 Daporare marĩrẽ wãri ñerõ tariri ããrã. Irasirirã musã ããrĩrikũrosũta dujamakũ õãgorã.

27 Marãpokurã, marãpokurã gãme béobirikõãka! Marãpo marĩrã, marãposã nome ãmabirikõãka!

28 Yu musãrẽ irire werekerepuũ, musã marãpokurã, Marĩpu dorerire tarinugãrã meta yãa. Nomeõde marãpokũgo, Marĩpu dorerire tarinugãgõ meta yãmo. Irasũ ããrĩkerepuũ, marãpokurã, marãpokurã gapu ãgũsã okarinũrĩrẽ poyari merã ããrĩrãkuma. Irasirigu yu irire: “Poyari merã ããrĩbokuma”, ãrĩgũ: “Marãpo marĩrã, marãpu marĩrã ããrĩkõãka!” ãrã musãrẽ.

29 Yaarã, yu musãrẽ irasũ ãrĩgũ, ãsũ ãrĩdũagu yãa. Marĩ i ãmũgue ããrĩrikũri pereburo mérõ dũyãa. Irasirirã daporare marãpo marĩrã Marĩpuyare õãrõ moãrõsũta marãpokurãdere õãrõ moãrõ gããmea. Marãpokurã nomede irasũta Marĩpuyare õãrõ iriro gããmea.

30 Marĩ orekererã, bujaweremerã irirosũ ããrĩrõ gããmea. Usuyakererã, usuyari merã bosenu irimerã irirosũ ããrĩrõ gããmea. Gajino wajakkererã: “I yaa ããrĩnikõãrokoa”, arĩ gũñabirikõãrõ gããmea. Irasirirã, marĩrẽ Marĩpuyare õãrõ iriro gããmea.

31 I umuma marĩ iãrĩ perewãgãrõ yãa. Irasirirã i umumarẽ iriduarire buro gũñarikubirikõãrõ gããmea.

32 Yu musãrẽ gũñarikuoro marĩrõ ããrĩmakũ gããmea. Marãpo marĩgũ, marĩ Opuyare õãrõ gũñami. Irasirigu igũrẽ usuyamakũ gããmegũ, igũyare õãrõ yami.

33 Marãpokugu gapu igũ marãpo õãrõ usuyari merã ããrĩmakũ gããmegũ, i umumarẽ gũñami.

34 Irasirigu marĩ Opu gããmerĩrẽ, igũ marãpo usuyamakũ gããmerĩ gapudere gũñami. Nomedere irasũta ããrã. Marãpu marĩgõ marĩ Opuyare õãrõ gũñamo. Igo gũñarĩ merã Marĩpuyago õãrõ ããrĩduago, igũ gããmerõsũta iridũamo. Marãpukugo gapu igo marãpu õãrõ usuyari merã ããrĩmakũ gããmegõ, i umumarẽ gũñamo.

35 Yu musãrẽ õãrõ waaburo, arĩgũ, marĩ Opu gããmerĩ direta keoro iridoregu ire gojãa. Musãrẽ marãpokurire, marãpukurire kãmutagu meta yãa.

36 Sugu igũ magõ búro waamakũ iãgũ, ãsũ arĩbokumi: “Yu magõrẽ õãrõ iribirikoa. Igo marãpukumakũ õãbokoa”, arĩbokumi. Irasũ arĩgũ nomesukõãburo. Irasiriri, ñerõ iriri ããrĩbea.

37 Gajigu gapu: “Nomesuro gããmekoa”, arĩbiribokumi. Ásũ gapu arĩbokumi: “Yu magõ marãpukubirikõãburo”, arĩbokumi. Igũ irasũ

ãrĩmakũ, igore õãrõ waabokoa. Īgũ irasũ iridũari õãgorabokoa.

³⁸ Magõrẽ marãpukudoregũ, õãrõ irigũ yámi. Irota marãpukudorebi gapũ nemorõ õãrõ iritarinugãgũ yámi. Daporare marĩrẽ wári ñerõ tariri ããrã. Irasiro marãpukubirimakũ, marãpokubirimakũ nemorõ õãa.

³⁹ Marĩpũ marĩrẽ doreri ãsũ ãrã. Marãpukugo igo marãpũ okamakũ, Īgũ merã ããrĩníkõãburo. Īgũ boadero pũrugue, gajigũ igo suyugũre marãpukumasĩgokumo Īgũ Jesúre bũremugũ ããrĩmakũ.

⁴⁰ Yũ gapũ ãsũ ãrĩ gũñáa. Igo dupaturi marãpukubeo, nemorõ mũyabokumo. Yũde, gajerã mũsãrẽ buerimasã irirosũ Õãgũ deyomarĩgũrẽ opáa. Irasirigũ irire werea mũsãrẽ.

8

¿Keori weadea pũro baari pídeare baamakũ õãkuri? ãrĩ gojadea

¹ Dapora mũsã: “¿Keori weadea pũro baari pídeare baamakũ õãkuri?” ãrĩ sêrẽñadeare yujugura. Mũsã irire masĩa. Īgũsã bũremurĩ weadea neõ wajamáa. Irasirirã: “Gũa tamerã õãrõ masĩa”, ãrĩ gũñarã, gajerãrẽ masĩtarinugãduarã irirosũ yáa. Gajerãrẽ maĩrã, ãsũ gapũ iriro gããmea. Nemorõ Īgũsãrẽ Marĩpũyare bũremunemomakũ iriro gããmea.

² Sugũ: “Masĩpeokõãa”, ãrĩgũno, õãrõ masĩbemi. Wári duyáa Īgũ masĩbiri.

³ Marĩpũ Īgũrẽ maĩgũ gapũre masĩmi. “Yaagũ ããrĩmi, Īgũrẽ masĩa”, ãrĩmi.

4 Irasirigũ yũ m̄sārē keori weadea p̄ro baari p̄idea baarire weregũra. Diayeta āārā. Īgūsā b̄remurĩ weadea neō wajamāa. Gajigũ, Marĩpũ irirosũ āārĩgũ neō mámi. Īgũ sugũta āārĩmi.

5 Gajerā masaka Īgūrē b̄remumerā wārā gajerānorē b̄remuma. Ɛmarōgue āārĩrārē, i ũmugue āārĩrārē b̄remuma. “Marĩ b̄remurā, marĩ oparā āārĩma”, ārĩ b̄remuma.

6 Marĩpũ sugũta āārĩpererire iridi āārĩmĩ. Irasirirā marĩ Īgũyarā āārĩsĩā, Īgũ dorerire irimurā āārā. Irasũ āārĩmakũ, Jesucristo sugũta marĩ Opũ āārĩmi. Īgũ merā Marĩpũ āārĩpererire iridi āārĩmĩ. Īgũ merā marĩdere Īgũyarā āārĩmakũ iridi āārĩmĩ. Irasirirā Īgũ merā āārĩnĩkōārākoa.

7 Yũ wereri diaye āārĩkerepũrũ, surāyeri Jesúre b̄remurā irire masĩbema. Iripoegue keori weadeare b̄remumerā āārĩsĩā, daporadere iri keori weadea p̄ro baari p̄ideare baarā: “Marĩ b̄remumerā keori weadeare b̄remurā yāa”, ārĩ gũñadima. Irasirirā ōārō masĩmerā irire baarā: “Ñerō irirā yāa”, ārĩ gũñadima. Irasũ gũñakererā, irire baakōāma.

8 Marĩ irire baarā, Marĩpũ merā nemorō ōārō āārĩmasĩbirikoa. Gajerā nemorō ōārā waabirikoa. Irire baamerāde, gajerā nemorō ñerā waabirikoa.

9 Irasũ āārĩkerepũrũ, ōārō pémasĩka! M̄sā noó gāāmerō baarā, gajigũ Jesúre b̄remuturabire ñerō irimakũ iribirikōāka!

10 Āsũ āārā. “Īgūsā b̄remurĩ keori weadea neō wajamāa”, ārĩ masĩa. Irasirirā iri keori weadeare b̄remurĩmasā baarogue baarā: “Ōābea”, ārĩ gũñabea. Jesúre b̄remuturabi gapũ,

mʉsã irogue baamakũ ããgũ: “Irogue baarã, Marĩpʉre bʉremubema”, ãrĩ gũñabokumi. Irasũ ãrĩ gũñakeregʉ, mʉsãrẽ ããkũĩ, ãgũde baakõãbokumi. Irasũ baagʉ: “Ñerõ irigʉ yãa”, ãrĩ gũñabokumi. ãgũ irasũ gũñamakũ, mʉsã ãgũrẽ ñerõ irimakũ irirãkoa.

¹¹ Mʉsã õãrõ masĩrã irogue baarã, gajigʉ õãrõ masĩbi gapʉre ñerõ irimakũ iribokoa. Cristo ãgũdere boabosadi ããrĩmĩ. Irasirirã mʉsã baari merã Cristoyagʉre poyanorẽbokoa.

¹² Irasũ ããrĩmakũ, gajigʉ õãrõ masĩbire: “Irire baamakũ ñegorãa”, ãrĩ gũñakeregʉ irire baamakũ irirã, Cristodere ñerõ irirã yãa.

¹³ Irasirigʉ yʉ baari merã gajigʉ Cristoyagʉre ñerõ irimakũ iribokoa, ãrĩgũ, iri baarire neõ dupaturi baabiriko.

9

Jesús buedoregʉ pídi ãgũ wajatarimarẽ gojadea

¹ Jesucristo yʉre ãgũyare buedoregʉ pídi ããrĩmĩ. Irasirigʉ yʉde gajerã ãgũ buedoregʉ pínerã irirosũta irimasã. Yʉde marĩ Opʉ Jesúre ããdita ããrã. Irasũ ããrĩmakũ, yʉ mʉsãrẽ ãgũya kerere buemakũ pérã, ãgũrẽ bʉremunugãbʉ.

² Gajerã yʉre: “ãgũ Jesús buedoregʉ pídi meta ããrĩmĩ”, ãrĩ werewʉakerepʉrʉ, mʉsã gapʉ irasũ ãrĩbea. Yʉ buemakũ pérã, mʉsã Jesúre bʉremubʉ. Irasirirã ãgũrẽ bʉremurã ããrĩsã, yʉre: “ãgũ Jesús buedoregʉ pídi ããrĩmĩ”, ãrĩ masã.

³ Yʉre werewʉarãrẽ ãsũ ãrĩ yʉjugʉra.

⁴ Yʉ mʉsãrẽ bueri waja, mʉsã yʉre baari ejo, iirĩri tĩãmakũ ñeãmasã.

5 Gajerã Jesús buedoregũ pínẽrã, ãgũ pagũpũrã, Pedrosã buegorenarã, ãgũsã marãposã nomerẽ ããnama. ãgũsã irirosũta yãde Jesucristore buremugõrẽ marãpokũgũ ããnabokoa.

6 ¿Naásũ gũñarĩ mũsã? Gajerã Jesús buedoregũ pínẽrã mũsãrẽ buerã, ãgũsã baaburire moã wajatabema. ¿Nasirirã yũ, Bernabé mũsãrẽ buerã, gũa baaburire wajatadũarã, moãduumasĩbirikuri?

7 Surara ãgũ baaburi waja ãgũ basi wajaribirikumi. ãgũ surara moãrĩ waja ãgũ oparã gapũ irire wajaribosakuma. Iguidari otedi, ãgũ otedea dukare tea, baamasĩkumi. Ovejare koregũde, ãgũsãya ãpĩkure bipi, iirĩmasĩkumi.

8 Yũ mũsãrẽ irasũ ãrĩgũ, masaka gũñarĩ merã werebea. Yũ ãrĩrõsũta Marĩpũ doreri gojadea pũgue ãsũ ãrĩ gojasũdero ããrĩbũ:

9 “Wekũ trigo yeri gasirire ãgũya guburi merã kũra koro, trigore baadũagũ baaburo. ãgũya disi tũsãrĩ berore tũsãbirikõãka!” ãrĩ gojasũdero ããrĩbũ. Marĩpũ irire doregũ, wekũayama direta ãrĩgũ meta iridi ããrĩmĩ.

10 Irire doregũ, gũa ãgũya kerere buerãya ããrĩburire ãrĩgũ iridi ããrĩmĩ. ãsũ ããrã. Sugũ oteburore ãmukumi. Pũrũ gajigũ iro otedea dukare seakumi. Irasirirã iri otedea dukare dukawaburire gũñarã, pẽrãgueta õãrõ moãkuma.

11 Gũa mũsãrẽ Marĩpũya werenĩrĩrẽ buerã, oterimasũ ãgũ oteri yerire otegũ irirosũ iribũ. Oterimasũ ãgũ moãrĩ waja, ãgũ otedea dukare seasĩkumi ãgũya ããrĩburire. Irasiriro, gũa mũsãrẽ bueri waja, mũsã gũaya ããrĩburire gajino gũare sĩmakũ õãbokoa.

12 Mũsã gũare sĩbirikererã, gajerã buerã mũsãrẽ sērẽmakũ, ĩgũsã gapũre sũyuro. Gũa gapũ ĩgũsã nemorõ sērẽmasĩa mũsãrẽ bueri waja.

Gũa mũsãrẽ: “Sĩka!” ãrĩbonerã ããrĩkererã, neõ irasũ ãrĩbea. “Ĩgũsã Cristoya kerere pẽdũabiribokuma gũa ĩgũsãrẽ gajinorẽ sērẽmakũ”, ãrĩ gũñabu. Irasirirã gũa gããmerĩrẽ opabirikerepũũ, mũsãrẽ neõ sērẽbiribu.

13 Mũsã ire masĩa. Marĩpũya wiigue moãrĩmasã, Marĩpũre bũremurã waibu diĩ ãĩri sĩdeare baama ĩgũsã irogue moãrĩ waja. Iri wiima waimũrãrẽ wẽjẽ soepeoro pũro moãrãde irireta baama.

14 I irirosũta marĩ Opũ ĩgũya kerere wererãya ããrĩburire ãsũ ãrĩdi ããrĩmĩ: “Ĩgũsã moãrĩ merã ĩgũsã baaburire wajata baaburo”, ãrĩdi ããrĩmĩ.

15 Irasũ ããrĩkerepũũ, yũ gapũ mũsãrẽ: “Sĩka!” neõ ãrĩbiribu. Daporadere gojagu, mũsãrẽ gajino sērẽgũ meta gojãa. Ƴaboari merã boakeregũ, mũsãrẽ buedea waja neõ wajaseabirikoa. Irasirigu wajamarĩrõ mũsãrẽ mũũyari merã buea. Yũ mũsãrẽ buedea waja merã neõ wajata baabirikoa.

16 Marĩpũ yũre ĩgũ masakare tauri kerere were-doregũ pídi ããrĩmĩ. Irasirigu yũ iri kerere weregũ: “Gajerã nemorõ masĩtarinũgãgũ ããrã”, neõ ãrĩ gũñabea. Iri kerere werebi, bũro bũjawereri merã ñerõ taribokoa.

17 Iri kerere yũ basi yũ gũñarĩ merã buegũ, wajatabokoa. Marĩpũ yũre dorederosũta iri kerere buegũ, ĩgũ yũre pídea gapũre irigu yãa. ĩgũ yũre píderosũta iriro gããmea. Gaji gapũre neõ irimasĩña máa.

18 Irasirigu Jesucristoya kerere buegũ, yũ bueri waja mũsãrẽ: “Wajarika!” ãrĩ sērẽbuno ããrĩkeregũ,

irire neõ sērēbiribu. Yũ irasirimakũ, yũ wajataru āsũ āārā: “Jesucristo ĩgũrē bũremurārē taugũkumi”, ārĩrĩ kerere wajamarĩrõ buegũ, õārõ usũyari merā āārā. Irita āārā yũ wajataru.

19 Masakare moãboegũ neõ āārĩbirikeregũ, āārĩpererārē moãboegũ irirosũ irigũ yāa, ĩgũsā Jesucristoya kerere pēburo, ārĩgũ. Wārā ĩgũrē bũremumakũ gāãmegũ, irasũ yāa.

20 Irasirigũ yaarā judío masaka merā āārĩgũ, ĩgũsā õārĩ iririkũrosũta yāa, ĩgũsā Jesũre bũremumakũ gāãmegũ. Āsũ āārā. ĩgũsā Moisés dorere bũremuma. Yũ Moisés doreri direta bũremugũ āārĩbirikeregũ, ĩgũsā merā āārĩgũ, ĩgũsā iririkũrosũta yāa, yũ buerire pēmakũ gāãmegũ.

21 Moisés dorere bũremumerā merā āārĩgũ, ĩgũsā õārĩ iririkũrosũta yāa, ĩgũsāde Jesũre bũremumakũ gāãmegũ. Irasirikeregũ, Cristore bũremusĩā, Marĩpũ dorere tarinũgābea.

22 Jesũre bũremuturamerā merā āārĩgũ, ĩgũsā õārĩ iririkũrosũta yāa, ĩgũsāde Jesũre bũremunemoburo, ārĩgũ. “Mũsā nemorõ Jesũre bũremugũ, ĩgũyare masĩpeogũ āārā”, neõ ārĩbea ĩgũsārē. Irasirigũ āārĩpererā õārĩ iririkũrosũta yāa: “Surāyeri yũ buerire pērā, tausũrākuma”, ārĩgũ.

23 I āārĩpererire irasũ yāa: “Jesucristo ĩgũrē bũremurārē taugũkumi”, ārĩrĩ kerere ĩgũsā õārõ pēburo, ārĩgũ. ĩgũsā iri õārĩ kerere bũremumakũ ĩāgũ, yũ ĩgũsā merā bũro usũyāa.

24 Mũsārē i keori merā āsũ ārĩ werea. Ũma birarimasā, āārĩpererā ũmakererā, wajataperebirikuma. Ũmaturagũ dita wajakumi. Irasirirā, wajatadũagũ bũro ũmaderosũta mũsāde

Marĩpũ gããmerĩrẽ õãrõ irika, ĩgũ sĩburire wajatamurã!

²⁵ Aãrĩpererã ũma biramurã ĩgũsã ũmaburi dupuyuro õãrõ ũma buekuma. Aãrĩpereri ĩgũsãya dupũre poyanorẽrĩrẽ pirikõãkuma. Olivo wãĩkũdima pũrĩ merã iridea berore wajatadũarã, irasũ ũma buekuma. Pũrũ gajerãrẽ ĩmurã, wajatadiya dipurugue iri berore peokuma. Iri bero mata boakõãkoa. Marĩde Marĩpũyare õãrõ buero gããmea. Nĩrĩrẽ pirikõã, ĩgũ gããmerĩ gapũre iriro gããmea, ĩgũ sĩburire wajatamurã. ĩgũ sĩrĩ neõ boabirikoã.

²⁶ Irasirigu yũ gapũ, ũma birarimasũ ĩgũ noó gããmerõ ũmagũ irirosũ iribea. Yũ gããmerõ irimoãmabea. Marĩpũyare masĩsĩã, ĩgũ gããmerĩrẽ irigu yãa.

²⁷ Irasirigu yũ iridũarire, yũ ãaribejarire iribea. Yũ iridũarire irimakũ, gajerãrẽ Marĩpũyare buedi aãrĩkererũrũ, Marĩpũ yũre: “Õãrõ iribũ”, ãrĩbiribokumi.

10

Keori weadeare bũremubirikõãka! ãrĩ gojadea

¹ Yaarã, mũsãrẽ irire masĩmakũ gããmea. Marĩpũ, gũa ñekũsãmarã merã aãrĩdi aãrĩmĩ ĩgũsãrẽ Egiptogue aãrĩrãrẽ ãĩ wiugu. ĩgũ iriudea mikãyebo merã ĩgũsãrẽ dupuyudi aãrĩmĩ. Aãrĩpererã ĩgũrẽ tũyarã, dia wãdiya, deko diadiya wãĩkũdiya dekogue, bojori maã ĩgũ iridea maague taribujanerã aãrĩmã.

² ĩgũsã Moisés merã mikãyebo doka, dia wãdiyare taribujanerã aãrĩmã. Iro taribujarã, aãrĩpererã ĩgũ

merã wádiya dekogue wãïyesũrã irirosũ waanerã ããrĩmá. Iri merã ãgũyarã ããrĩrĩrẽ ãmunerã ããrĩmá.

³ ãgũsã ããrĩpererã Marĩpũ sĩdea ãmugasima baarire baanerã ããrĩmá.

⁴ ããrĩpererã Marĩpũ ãtãyegue deko wiridore-deare iirĩnerã ããrĩmá. Cristo iri ãtãye irirosũ ããrĩdi ããrĩmĩ. ãgũta okari sĩdi ããrĩmĩ. Irasirigũ ãgũta ãgũsãrẽ wapikũwãgãdi ããrĩmĩ.

⁵ Marĩpũ ãgũsãrẽ õãrõ iritamukerepũrũ, wárã ãgũ dorerire tarinũgãnerã ããrĩmá. ãgũsã irasirimakũ ããgũ, Marĩpũ ãgũsãrẽ ããsuyubiridi ããrĩmĩ. Irasirigũ ãgũsãrẽ masaka marĩrõgue boamakũ iridi ããrĩmĩ ãgũ dorerire tarinũgãdea waja.

⁶ ããrĩpereri ãgũsãrẽ waadea kere, marĩrẽ ãgũsã iriderosũ ãnerĩrẽ iribirikõãburo, ãrĩ keori pídea ããrã.

⁷ Irasirirã, keori weadeare surãyeri ãgũsã bũremuderosũ bũremubirikõãka! Keori weadeare ãgũsã bũremudeare Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Masaka baa, iirĩ odo, bosenu irinũgãnerã ããrĩmá”, ãrĩ gojasũdero ããrĩbũ.

⁸ Pũrũ surãyeri ãma nomerẽ ãnerõ iri gãmebiranerã ããrĩmá. ãgũsã iriderosũ iribirikõãrõ gããmea marĩrẽ. ãgũsã ãnerõ iriri waja, sunũrẽ veintitrẽs mil masaka boanerã ããrĩmá.

⁹ Gajipoe gajerã: “Marĩpũ gũare õãrõ korebemi”, ãrĩ werewũanerã ããrĩmá. ãgũsã ãrĩderosũ ãrĩbirikõãrõ gããmea marĩrẽ. ãgũsã ãnerõ werenĩrĩ waja ãgũsãrẽ ãña kũrĩ wẽjẽnerã ããrĩmá.

¹⁰ Gajipoe gajerã ãgũsã Marĩpũ irideare ãnerõ ãrĩ werewũamakũ, Marĩpũre wereboegu ãgũsãrẽ wẽjẽdi ããrĩmĩ. ãgũsã ãrĩderosũ ãrĩbirikõãrõ gããmea

marĩrẽ.

11 Marĩrẽ in_u marãrẽ i _um_u pereburo mérõgã d_uyawãgãriro yáa. Irasirig_u Marĩp_u ĩgũya werenĩrĩ gojadea pũgue g_ua ñekũsãmarãrẽ ĩgũ wajamoãdeare gojadoredi ããrĩmĩ, ĩgũsã iriderosũ ñerõ iribirikõãburo, ãrĩgũ.

12 Sug_u: “Y_u tamerã Marĩp_ure õãrõ b_uremusĩã, ñerõ iribirikoa”, ãrĩ gũñagũno, õãrõ pémasĩka, iripoegue marã iriderosũ ñerĩrẽ iriri, ãrĩgũ!

13 Gajipoere marĩ ããrĩpererã sug_u d_uyaro marĩrõ ñerĩrẽ irid_uarã, wãtĩ ñerĩ ãrĩmesãsũrã, ñerõ tarirã ããrã. Irasũ ããrĩkerer_ug_u, Marĩp_u gap_u ĩgũ ãrĩderosũta marĩrẽ iritamuníkõãmi ñerĩrẽ tarinũgãburo, ãrĩgũ. Marĩ ñerĩrẽ tarinũgãnemomasĩbirimakũ ĩãgũ, gaji ñerĩrẽ tau kãmutag_ukumi marĩrẽ poyanorẽrĩ, ãrĩgũ. Irasirig_u marĩrẽ ĩgũ merã gũñaturamakũ irig_ukumi ñerĩrẽ iribirikõãburo, ãrĩgũ.

14 Yaarã y_u maĩrã, y_ure péka! Neõ keori wead-eare b_uremubirikõãka!

15 M_usã õãrõ pémasĩrã ããrĩmakũ, irire m_usãrẽ werea. Irasirirã y_u ãrĩrĩrẽ: “Diayeta ããrã”, ãrĩ masĩa.

16 Marĩ nerẽ bokatĩrĩrã Marĩp_ure: “Õãa”, ãrĩ, _us_uyari sĩ odo, igui deko iirĩripare iiría. Irasũ iirĩrã: “Cristo boagu, marĩ ñerĩ iridea wajare ĩgũ dí béodea merã wajaribosadi ããrĩmĩ”, ãrĩ ĩmua. Pãrũrẽ marĩ d_ukawa baarã: “Cristo ĩgũya dup_u curusague boadea merã marĩrẽ ĩgũyarã ããrĩmakũ iridi ããrĩmĩ”, ãrĩ ĩmua.

17 Marĩ wãrã ããrĩkererã, suru pãrũrẽ d_ukawa baarã, ããrĩpererã marĩ Cristoyarã su dup_uta irirosũ ããrã. Irasirirã sug_uyarãta ããrã.

18 Gɥayarã Israel marã Moisés dorederosũta iririre gũñaka! Marĩpɥare bɥremurã, ãgũya wiigue waibɥare ãĩa wẽjẽ soema. Wẽjẽ soe odo, Marĩpɥũũrõ diire baama. Irasũ baarã: “Marĩpɥayarã ããrã”, ãrĩ ãmuma.

19 Yɥ ire irasũ ãrĩgũ: “Keori weadea wajakɥa, irasiro iri keori weadea pɥro waibɥ dií pídea, gajj waibɥ dií nemorõ ããrã”, ãrĩgũ meta yáa.

20 ãsũ gapɥ ãrĩ werea. Marĩpɥare masĩmerã, keori weadea pɥro waibɥ dií pírá, Marĩpɥare bɥremubema. Wãtẽa gapɥre bɥremurã yáma. ãgũsã irasũ bɥremumakũ, ãgũsã bɥremurĩ wiigue mɥsã ãgũsã merã baarã: “Wãtẽayarã ããrã”, ãrĩ ãmurã irirosũ yáa. Mɥsã irasirimakũ, neõ gããmebea.

21 Marĩ Opɥ Jesucristoyarã ããrĩsĩã, ãgũrẽ bɥremurã nerẽ bokatĩrĩã, igui deko iirĩripare iirĩ, pãrũrẽ dukawa baáa. Gajerã ãgũsã keori weadeare bɥremurã iirĩri, waibɥ dií ãgũsã baari, wãtẽaya ããrã. Irasirirã marĩ Opɥ Jesúyare baarã, wãtẽayare baamasĩbea. Irasũta wãtẽayare baarã, Jesúyare baamasĩbea.

22 Marĩ Opɥ ãgũyarãrẽ ãgũ direta bɥremumakũ gããmemi. Irasirirã marĩ wãtẽãrẽ bɥremurã, marĩ ãgũrẽ guamakũ iribokoa. ãgũ guamakũ, marĩ ãgũrẽ tarinugãmasĩbirikoa. Marĩrẽ wajamoãburire kãmutamasĩbirikoa.

Marĩpɥ gããmerĩ direta irika! ãrĩ gojadea

23 Masaka surãyeri ãsũ ãrĩ wereníma: “Marĩ iridɥarire noó gããmerõ irimasĩa”, ãrĩ wereníma. ãgũsã irire irasũ ãrĩkerepɥru, ããrĩpereri marĩ iridɥarire irirã, gajerãrẽ iritamurã meta yáa.

Noó marĩ gããmerõ irirã, gajerãrẽ Marĩpũre bũremunemomakũ iribiribokoa.

24 Marĩya ããrĩburi direta gũñabirikõãrõ gããmea. Gajerãya ããrĩburidere gũñarõ gããmea.

25 Irasirirã baari duarogue baarire wajarirã, noó gããmerõ wajari baaka! “¿I baari keori weadea pũrogue pídea ããrĩrĩ?” ãrĩ sērẽñabirikõãka: “Irire baarã, ñerõ irirã yáa”, ãrĩ gũñarĩ, ãrĩrã!

26 Marĩpũya werenírĩ gojadea pũgue ãsũ ãrĩ gojasũdero ããrĩbú: “Ããrĩpereri i ãmũma, marĩ Opũya ããrã”, ãrĩ gojasũdero ããrĩbú. Irasirirã ããrĩpereri ãgũ baari pídeare baamasĩa.

27 Jesúre bũremubi mũsãrẽ baadoregũ siiumakũ, waadũarã waaka! Baarã waarã, mũsãrẽ ãgũ ejorire baaka! “¿I baari, keori weadea pũrogue pídea ããrĩrĩ?” ãrĩ sērẽñabirikõãka: “Irire baarã, ñerõ irirã yáa”, ãrĩ gũñarĩ, ãrĩrã!

28 Gajigũ iro ããrĩgũ ãsũ ãrĩbokumi mũsãrẽ: “I baari, keori weadea pũrogue pídea dií ããrã”, ãrĩbokumi. ãgũ irasũ ãrĩmakũ, iri diire baabirikõãka! ãgũ, mũsã baamakũ: “Ñerĩrẽ irirã yáma”, ãrĩ gũñabokumi. ãgũ irasũ ãrĩ gũñabirikõãburo, ãrĩrã, irire baabirikõãka!

29 Yũ irire ãrĩgũ, ãgũ gũñarĩrẽ werenígũ yáa. Mũsã gũñarĩrẽ wereníbea.

Mũsã gapũ ãsũ ãrĩ sērẽñabokoa yũre: “¿Nasirirã, gajigũ diaye gũñabiri waja, gũa iridũarire gor-awayubokuri?”

30 Gũa baarire Marĩpũre: ‘Õãa’, ãrĩ, usũyari sĩmakũ, gajigũ gũa baarire werewũamasĩbemi”, ãrĩbokoa mũsã yũre.

31 Y_u gap_u ãsũ ãrĩ werea m_usãrê. M_usã baa, iirírã, gajinorê irirãde, Marĩp_u gããmerĩ direta irika, gajerãde ãgũrê: “Óãtarigu ããrĩmi”, ãrĩ b_uremuburo, ãrĩrã!

32 Neõ m_usã iriri merã judío masakare, judío masaka ããrĩmerãrê, Marĩp_uyarãdere ñerõ irimakũ iribirikõãka!

33 Y_u irirosũ irika! ããrĩpereri y_u iriri merã masaka ããrĩpererãrê õãrõ irid_uãã. Irasingu õãrõ y_u ããrĩburi direta gũñabea. Gajerãya ããrĩburi gap_ure õãrõ gũñãã, ãgũsãde Jesucristore b_uremuburo, ãrĩgũ. ãgũrê b_uremumakũ, ãgũsãrê taug_ukumi, peamegue waabirikõãburo, ãrĩgũ.

11

1 Irasirirã y_u Cristore irit_uyarosũta m_usãde y_ure irit_uyaka!

Jesúre b_uremurã nerêrõgue nome iririmarê go-jadea

2 Yaarã, y_ure m_usã gũñamakũ, ããrĩpereri y_u buedeare keoro irimakũ ããgũ, m_usãrê: “Óãrõ yãã”, ãrĩ, _us_uyari merã werea.

3 Gaji m_usãrê masĩmakũ gããmea. Cristo, ããrĩpererã ãma dipuru ããrĩmi. Ëmã_u, marãpore igo dipuru ããrĩmi. Marĩp_u, Cristo dipuru ããrĩmi.

4 M_usã Marĩp_ure b_uremurã nerẽmakũ, sug_u Marĩp_ure sêrêgũ, Marĩp_u ãgũrê weredoredeare wereg_u, ãgũya dipurure b_uñabirikumi. ãgũya dipurure b_uñag_u, g_uyasĩrõ irig_u iribokumi. Cristore ãgũ Op_ure gopeyari merã b_uremubiribokumi.

5 Nomeõ gap_u Marĩp_ure sêrêgõ, Marĩp_u igore weredoredeare werego, igoya dipurure

bũakumo. Igoya dipurure bũabeo, gũyasĩũrõ irigo iribokumo. Marĩre igo dipurure goepeyari merã bũremubiribokumo. Poari pera wũabéodeo irirosũ aãrĩbokumo.

⁶ Igoya dipurure bũadũabirimakũ, diayeta igoya poarire pera wũabéokõãrõ gããmea. Igoya poarire pera wũabéodũabeo: “Gũyasĩũgorãa”, aãrĩgõ, igoya dipurure bũaburo.

⁷ Ũmũũ gapũ Marĩrũ irirosũ opũ aãrĩsĩã, ĩgũya dipurure bũabirikõãburo, Marĩrũ yũ Opũ aãrĩmĩ, aãrĩ ĩmubu. Nomeõ gapũ igoya dipurure bũaburo, ũmũũ yũ opũ aãrĩmĩ, aãrĩ ĩmubo.

⁸ Neõgoraguere Marĩrũ ũmũũrẽ irigũ, nomeõya gõã merã iribiridi aãrĩmĩ. Nomeõ gapũre ũmũũya gõã merã iridi aãrĩmĩ.

⁹ Irasirigũ ũmũũrẽ irigũ, nomeõrẽ iritamubure iribiridi aãrĩmĩ. Nomeõ gapũre, ũmũũrẽ iritamubore iridi aãrĩmĩ.

¹⁰ Irasirirã mũsã Marĩrũre bũremurã nerẽrõguere, nome ĩgũsãya dipure bũarõ gããmea. Irasũ bũarã, ũmũũ dorerire õãrõ yũjũrũre ĩmurãkuma. ĩgũsã irasirirũre Marĩrũre wereboerã ĩãrãkuma.

¹¹ Irasũ aãrĩkerekereũ, marĩ Jesucristore bũremurã gãme iritamua. Ũma, nome iritamurĩ marĩrõ aãrĩmasĩbirikuma. Nomedẽ ũma iritamurĩ marĩrõ aãrĩmasĩbirikuma.

¹² Diayeta aãrã. Marĩrũ nomeõrẽ ũmũũya gõã merã iridi aãrĩmĩ. Ide diayeta aãrã. Ũma, nome merã deyoama. Irasirirã aãrĩpererã masaka: ũma, nome de Marĩrũ irinerã aãrĩma.

¹³ I aãrĩpereri diayeta aãrĩmakũ, ĩmũsã basi naásũ gũñarĩ? Mũsã Marĩrũre bũremurã nerẽrõgue,

nomeõ igoya dipurure b̄abeota, Marĩp̄re s̄er̄emakũ ĵõãrĩ, o õãberi?

14 ̄m̄m̄ poañapu ũmamakũ ḡuyasĩũgoráa. ããrĩpererã masaka irire masĩma.

15 Nomeõ poañapu ũmagõ ããrĩmakũ: “Õãgoráa”, ãrã. Igo poañapu ũmamakũ, igoya dipuru b̄uaro irirosũ ããrã.

16 ̄m̄ werenĩrĩr̄e: “Irasũ ããrĩbea”, ãrĩ guaseod̄maḡunor̄e ãsũ ãrĩ wereḡura. Marĩ Jesũre b̄remurã, gajerã Marĩp̄yarãde irire irasũ dita yáa.

Marĩ Op̄m̄ Jesucristo boadeare gũñarã, ĩgũ ner̄e baadorederosũ keoro iribiridea

17 Dapora m̄sar̄e gaji gojáa. Irire gojaḡm̄, ym̄ m̄sar̄e: “Õãrõ irirã yáa”, ãrĩbea. M̄sã ner̄erã, õãrõ iriboanerã, ubu gap̄m̄ poyanor̄eayuro.

18 Irasiriḡm̄ ãsũ ãrĩ werep̄roriḡura m̄sar̄e. M̄sã ner̄erã, gãme guaseo dukawariayuro. Gajerã ym̄re irire weremakũ pégm̄: “Diayeta ããrĩkoa”, ãrĩ gũñáa.

19 M̄sã gãme dukawarirã, ãsũ ãrĩ gũñakoa: “Marĩr̄e gãme dukawariro gããmea. Irasirirã, ĵnoã gap̄m̄ Jesucristoyarãgora ããrĩr̄i? ãrĩ masĩrãkoa”, ãrĩkoa.

20 Irasirirã m̄sã gãme dukawariri waja, m̄sã marĩ Op̄m̄ Jesucristo boadeare ner̄e gũñarã, ĩgũ buerã merã baatũnugũ dorederosũ keoro iirĩ, baabea.

21 M̄sã ner̄e baarã, surãyeri noó gããmerõ baap̄rorikõãa. Gajerã uaboama. Gajerã mejãma.

22 M̄sã noó gããmerõ iirĩ, baaduarã, ĵnasirirã m̄sãya wiirigue baa, iirĩberi? M̄sã Marĩp̄yarã ããrĩkererã, noó gããmerõ baa, iirirã, m̄sã ner̄er̄e

wajamarĩrõsũ irirã yáa. Mũsã watopegue ããrĩã baari opamerãrẽ gũyasĩũrõ tarimakũ irirã yáa. Mũsã irasiriri kerere pégu, ɥnaásũ ãrĩ weregũkuri yu mũsãrẽ? “Õãrõ irirã yáa”, ãrĩbirikoa.

Marĩ Opũ Jesucristo ĩgũ buerã merã baatũnudeare gojadea

23-24 Marĩ Opũ Jesucristo yũre buedeare yu mũsãrẽ werebu. Iri ãsũ ããrã. ĩgũrẽ wẽjẽduarãguere ĩgũrẽ Judas ĩmuburi dupuyuroma ñamita marĩ Opũ Jesucristo pãrũrẽ ãĩ, Marĩpũre: “Mũrẽ mũyari sĩa”, ãrĩ, irirure pea, ĩgũ buerãrẽ: “I yaa dupũ ããrã”, ãrĩ gueredi ããrĩmĩ. “Irasirirã yu mũsã merã dapora iriaderosũ nerẽ, pãrũrẽ baarikũ, yu mũsãrẽ boabosarire gũñaka!” ãrĩdi ããrĩmĩ.

25 ĩgũsã baa odoadero pũrũ, pãrũrẽ ãĩderosũta iirĩripare ãĩ, ãsũ ãrĩdi ããrĩmĩ: “Yu mũsãrẽ boabosagu yaa dí béori merã Yũpũ mũsãrẽ: ‘Õãrõ irigũra’, ãrĩdeare iriyuwarikũgũkumi. Irasirirã mũsã nerẽ, iirĩripare iirĩrikũ, yu dí béobosarire gũñaka!” ãrĩdi ããrĩmĩ.

26 ĩgũ ãrĩderosũta irirã, marĩ nerẽrã, pãrũrẽ baarikũ, iirĩripare iirĩrikũ: “Marĩ Opũ Jesucristo marĩrẽ boabosadi ããrĩmĩ”, ãrĩ ĩmurãkoa. Irire irinĩkõãrõ gããmea. ĩgũ i mũngue dupaturi aarimakũ, irire irinemobirikoa.

Marĩ Opũ Jesucristo boadeare gũñarã, ãsũ iridorea, ãrĩ gojadea

27 Marĩ Opũ Jesucristo boadeare marĩ nerẽ gũñaripoe Marĩpũre bũremurĩ marĩrõ merã pãrũrẽ baa, iirĩripare iirĩgũno ñerõ irigũ yámi. Jesucristo

marĩrẽ boabosagu dí béodeare ubu ããrĩrĩ irirosũ gũñami.

²⁸ Irasirirã pãrũrẽ baa, iirĩripare iirĩburi dupuyuro masakakũ marĩ irideare: “Ñerõ irikubũ”, ãrĩ gũñapũroriro gããmea.

²⁹ Marĩ Opũ Jesucristoya dupũ ããrĩrĩrẽ pẽmasĩrõ marĩrõ merã pãrũrẽ baa, iirĩripare iirĩmakũ, Marĩpũ marĩrẽ wajamoãgũkumi.

³⁰ Mũsã irire pẽmasĩbiridea waja wãrã mũsã merãmarã pũrĩrikũrã, turamerã ããrĩma. Surãyeri boakõãsiama.

³¹ Marĩ baa, iirĩburi dupuyuro marĩ irideare: “Ñerõ irikubũ”, ãrĩ gũñapũrorimakũ, marĩ Opũ marĩrẽ wajamoãbirikumi.

³² Marĩ Opũ gapũ marĩrẽ ãgũyarãrẽ marĩ ñerĩ iririre piriburo, ãrĩgũ, wajamoãmi. Irasirigu ãgũrẽ bũremumerãrẽ peamegue waadore, marĩ gapũre ãgũsã merã wajamoãbirikumi.

³³ Irasirirã yaarã, mũsã nerẽ baarã, suro merã baamurã gajerãdere yũka!

³⁴ Hãboagũno ãgũya wiigue baaburo. Irasirimakũ, mũsã õãrõ nerẽ baamakũ, Marĩpũ mũsãrẽ wajamoãbirikumi. Gajire mũsã pũrogue waagũ, õãrõ were ãmũgũra.

12

Õãgũ deyomarĩgũ Marĩpũyare marĩrẽ irimasĩmakũ iririre gojadea

¹ Yaarã, Õãgũ deyomarĩgũ Marĩpũyare marĩrẽ irimasĩmakũ irigu ããrĩmi. Yũ irire mũsãrẽ õãrõ masĩmakũ gããmea.

2 Mũsã ire õãrõ masĩsiáa. Jesucristore bũremuburi dupuyuro keori weadeare bũremutũyanerã ããrĩbú. Iri keori weadea okari opabea. Neõ wereníbea.

3 Irasirigũ daporare yũ mũsãrẽ ire masĩmakũ gããmea. Neõ sugũ Õãgũ deyomarĩgũ iritamurĩ merã weregũ: “Jesúre ñerõ waanaburo”, ãrĩmasĩbirikumi. Gajigũ Õãgũ deyomarĩgũ iritamurĩ marĩrõ merã weregũ: “Jesús marĩ Opũ ããrĩmi”, neõ ãrĩmasĩbirikumi.

4 Õãgũ deyomarĩgũ Marĩpũyare marĩrẽ irimasĩmakũ iriri, wári ããrã. Ĩgũ sugũta irire sĩgũ ããrĩmi.

5 Marĩ Opũ Jesucristo marĩrẽ moãdoreri, wári ããrã. Ĩgũ sugũta irire moãdoregũ ããrĩmi.

6 Marĩpũyare iriri, sũrosũ ããrĩbea. Marĩpũ sugũta marĩ ããrĩpererãrẽ ĩgũyare õãrõ irimasĩmakũ irigũ ããrĩmi.

7 Marĩpũ Õãgũ deyomarĩgũrẽ marĩ masakakũre sĩrĩ merã ĩgũ marĩ merã ããrĩrĩrẽ ĩmumi, ããrĩpererã Jesucristore bũremurãrẽ gãme iritamuburo, ãrĩgũ.

8 Õãgũ deyomarĩgũ surãyerire õãrõ masĩrĩ merã Marĩpũyare weremakũ yámi. Gajerãdere õãrõ pémasĩrĩ merã ĩgũyare weremakũ yámi.

9 Gajerãrẽ: “Marĩpũ iritamurĩ merã marĩ õãrõ irimasĩa”, ãrĩ bũremumakũ yámi. Irasũ ããrĩmakũ, gajerãrẽ ĩgũ turarire sĩmi pũrĩrikũrãrẽ tauburo, ãrĩgũ.

10 Gajerãrẽ ĩgũ turari merã iri ĩmurĩrẽ irimasĩmakũ yámi. Gajerãrẽ Marĩpũ ĩgũsãrẽ weredorerire õãrõ weremasĩmakũ yámi. Gajerãrẽ: “Wãtĩ turari merã, o Õãgũ deyomarĩgũ turari

merã ãsũ yámi ã”, ãrĩ masĩrĩrẽ sĩmi. Gajerãrẽ gaji masã ya werenĩrĩ merã ãgũsã dupuyurogue werenĩmasĩbirideare werenĩmasĩmakũ yámi. Gajerãrẽ, iri werenĩrĩrẽ masĩbirikererã, Õãgũ deyomarĩgũ iritamurĩ merã: “Ãsũ ãrĩduaro yáa ã”, ãrĩ masĩmakũ yámi.

11 Õãgũ deyomarĩgũ marĩ masakakure gajerosũperi dita ãgũ sĩduarire sĩmi. ãgũ suguta Marĩpuyare marĩ irimasĩburire sĩgũ ããrĩmi.

Marĩ Cristoyarã ããrĩã su duputa irirosũ ããrã, ãrĩ gojadea

12 Marĩya dupuma wári ããrã. Wári ããrĩkerero, su duputa ããrã. Cristode irasũta ããrĩmi. Marĩ ãgũrẽ buremurã wãrã ããrĩkererã, su duputa irirosũ ããrã.

13 Mũrãrõta marĩ ãgũrẽ buremurã ããrĩpererã: judío masaka, judío masaka ããrĩmerã, gajerãrẽ moãboerã, moãboemerãde wãrã ããrĩkererã, Õãgũ deyomarĩgũ sugũ merãta wãĩyesũbu. Irasirigũ marĩrẽ su duputa irirosũ ããrĩmakũ yámi. Irasirirã marĩ ããrĩpererã Õãgũ deyomarĩgũrẽ opáa.

14 Marĩya dupuma ããrĩrĩ su wãita ããrĩbea. Wári ããrĩkõãa.

15 Marĩya gubu werenĩrĩ gubu ããrĩrõ ãsũ ãrĩbokoã: “Mojõ ããrĩbea. Irasiriro mũya dupuma ããrĩbea”, ãrĩbokoã. Marĩya gubu irasũ ãrĩkerero, marĩya dupumata ããrã.

16 Marĩya gãmipũ werenĩrĩ gãmipũ ããrĩrõ ãsũ ãrĩbokoã: “Koyeru ããrĩbea. Irasiriro mũya dupuma ããrĩbea”, ãrĩbokoã. Marĩya gãmipũ irasũ ãrĩkerero, marĩya dupumata ããrã.

17 Marīya dupu, koyeru dita āārīmakū, ħnasirisīā, pébokuri marī? Marīya dupu, gāmipū dita āārīmakū, ħnasirisīā, gajinorē wījībokuri marī?

18 Marīpu marīya dupure irigu, āārīpereri ĩgū gāāmerōsūta keoro iridi āārīmí.

19 Āārīpereri marīya dupugue āārīrīno su wāita āārīmakū, marīya dupu marībokuyo.

20 Āsū āārā. Marīya dupugue āārīrī wári āārīkerepuu, su duputa āārā. I irirosūta marī Jesúre b̄remurā wārā āārīkererā, su duputa irirosū āārā.

21 Irasiro koyeru, mojōrē: “M̄rē gāāmebea”, ārīmasībirikoa. Dipuru, guburire: “M̄rē gāāmebea”, ārīmasībirikoa.

22 Āsū gapu āārā. Gaji marīya dupugue āārīrī, turabiri āārīkerepuu, marī gapu irire b̄ro gāāmea.

23 Gaji marīya dupugue āārīrīrē: “Ubu āārīrī āārā”, ārī gūñāa. Irasirirā irire ōārō deyoburo, ārīrā, ōārō āmua. Gaji marī guyasīrīsārīrē surí sāña kāmútaa masaka ĩābirikōāburo, ārīrā.

24 Gaji marīya dupugue āārīrīrē ōārī deyori gapure āmubea. Marīpu marīya dupugue āārīrīrē āārīpererire ōārō āmudi āārīmí, su duputa ōārō dupukuburo, ārīgū. Irasirigu: “Ubu āārīrī āārā”, marī ārīrī gapure ōārō gāāmemakū yámi. Irasirirā marī neō gajigu Jesúyagure: “Ubu āārīgú āārīmí, irasirirā ĩgūrē gāāmebea”, ārībirikōārō gāāmea.

25 Āsūta āārīdoredi āārīmí, Marīpu marīya dupu suro merā iritamuburo, ārīgū.

26 Marīya dupugue āārīrī su wāi ñerō tari-makū, gajide āārīpereri ñerō taria. Su wāirē ōārō āmumakū: “Marīya dupu āārīperero ōārō āārā”, ārī

gũñáa.

²⁷ Y_u irire ãrĩgũ, ãsũ ãrĩduag_u yáa. Marĩ Cristore buremurã ãgũya dup_u irirosũ ããrã. Irasirirã marĩ masakak_u ãgũya dup_ugue ããrĩrã irirosũ ããrã.

²⁸ Irasirig_u Marĩp_u marĩ Jesúre buremurãrẽ gãme iritamuburire pígu, ãsũ pídi ããrĩmí. Jesucristo buedoreg_u pínerãrẽ pípuroridi ããrĩmí. P_ur_u Marĩp_u gajerãrẽ ãgũ weredorerosũ weremurãrẽ pídi ããrĩmí. P_ur_u gajerãrẽ ãgũyare buemurãrẽ pídi ããrĩmí. Gajerãrẽ ãgũ turaro merã iri ãmumurãrẽ, gajerãrẽ pũrĩrikurãrẽ taumurãrẽ, gajerãrẽ masakare iritamumurãrẽ, gajerãrẽ dorerimasã ããrĩmurãrẽ, gajerãrẽ gaji masã ya merã ãgũsã dupuyurogue neõ werenímasĩbirideare werenímasĩmurãrẽ pídi ããrĩmí.

²⁹ Irasirig_u marĩ ããrĩpererãrẽ sũrosũ irimurãrẽ píbiridi ããrĩmí. Irasirirã marĩ ããrĩpererã Jesucristo buedoreg_u pínerã meta ããrã. Marĩ ããrĩpererã Marĩp_u weredorerosũ wererã meta ããrã. Marĩ ããrĩpererã Marĩp_uyare buerã meta ããrã. Marĩ ããrĩpererã Marĩp_u turaro merã iri ãmumurã meta ããrã.

³⁰ Marĩ ããrĩpererã pũrĩrikurãrẽ taumasĩrã meta ããrã. Marĩ ããrĩpererã gaji masã ya werenírĩ merã werenímasĩrã meta ããrã. Marĩ ããrĩpererã ãgũsã werenírĩrẽ péadero p_ur_u: “Ãsũ ãrĩduaro yáa”, ãrĩ wererã meta ããrã.

³¹ Irasirirã Ôãgũ deyomarĩgũ Marĩp_uyare irimasĩrĩ sĩrĩrẽ gããmekã musã! Y_u musãrẽ ããrĩpereri nemorõ õãrĩrẽ wereg_ura.

13

Gãme maĩrĩmarẽ gojadea

1 Marĩ gaji masã ya werenĩrĩrẽ werenĩmasĩkererã, Marĩpure wereboerã ya werenĩrĩrẽ werenĩmasĩkererã, gajerãrẽ maĩbirimakũ, marĩ werenĩrĩ wajamarĩboko. Kõme majĩ pábiramakũ busurosũ marĩ werenĩrĩ busukõãboko.

2 Marĩpure marĩrẽ weredorerosũ õãrõ weremasĩkererã, gajerãrẽ maĩbirimakũ, marĩ wereri wajamarĩboko. ããrĩpererire masĩkererã, Marĩpure masaka dupuyurogue masĩbiridea ããrĩpererire pémasĩkererã, gajerãrẽ maĩbirimakũ, marĩ masĩrĩ wajamarĩboko. Marĩpure buremurĩ marĩrẽ ãgũ sĩrĩ merã buúrure gajerogue waadoremāsĩkererã, gajerãrẽ maĩbirimakũ, marĩ buremurĩ merã iriri wajamarĩboko.

3 Marĩ opari ããrĩpereri boporãrẽ sĩkererã, ãgũsãrẽ maĩbirimakũ, marĩ iriri wajamarĩboko. Marĩpure marĩ iridea waja marĩya pure masaka sokererũ, marĩ gajerãrẽ maĩbirimakũ, Marĩpure marĩrẽ: “Õãrõ iribũ”, ãrĩbiribokumi.

4 Marĩ gajerãrẽ maĩrã, mata ãgũsã merã guaña máa. ãgũsãrẽ bopoñarĩ merã õãrõ yáa. ãgũsãrẽ ãturiña máa. “ãgũsã nemorõ õãgũ ããrã”, ãrĩmasĩña máa. “ãgũsã nemorõ masĩtarinũgãgũ ããrã”, ãrĩmasĩña máa.

5 Marĩ gajerãrẽ maĩrã, ãgũsãrẽ buremurĩ merã keoro werea. Marĩya ããrĩburi direta gũñabea. ãgũsãya ããrĩburidere gũñáa. ãgũsãrẽ guari merã wereña máa. ãgũsã marĩrẽ ñerõ irimakũ, yoaripoe ãgũsã merã guanĩña máa.

6 Gajerãrẽ maĩrã, ãgũsã ñerõ irimakũ ããrã, pureyamāsĩña máa. Diayema gapure ãgũsã irimakũ

ĩārã, usuyáa.

7 Marĩ gajerãrẽ maĩrã, ĩgũsã ñerõ irimakũ ĩārã, masakare neõ kere werebea. Gajerã ĩgũsãrẽ werewuakerepuru, marĩ ĩgũsãrẽ buremurĩrẽ neõ piribirikoa. “Puruque ĩgũsãde õãrĩ gapure irirãkuma”, ãrĩ gũñáa. ĩgũsã iriri merã marĩ ñerõ tarikererã, ĩgũsãrẽ maĩsĩã, neõ piribea.

8 Marĩ gãme maĩrĩ neõ perebirikoa. Marĩpu weredorerosũ wereri gapu pererokoa. Gaji masã ya merã marĩ werenĩrĩde pererokoa. Marĩpuyare masĩrĩ merã õãrõ wereride, puruque pererokoa. Iri irasũ waamakũ, marĩ masĩdero nemorõ ããrĩpererire masĩrãkoa.

9 Daporare marĩ ããrĩpereri Marĩpuyare masĩbea. ĩgũ weredorerosũta ĩgũ masĩrĩ sĩrĩ merã werekererã, ããrĩpereri ĩgũyare weremasĩbea.

10 Puruque Jesucristo Marĩpuyare masĩpeogu aarimakũ, marĩ masĩbirideare masĩpeorãkoa.

11 Yu majĩgũ ããrĩgũ, majĩrã irirosũ gũñarĩ marĩrõ werenĩ, ĩgũsã irirosũta iriunabu. Yu buguro waagũ, majĩrã irirosũ ããrĩdeare pirikõãbu.

12 Daporare Marĩpuyare marĩ õãrõ masĩbea. Diuru buguru merã marĩ ãĩñamakũ õãrõ deyomarĩrõ irirosũ ããrã. Õãrõ deyobea. Puru õãrõ deyorgue Marĩpũre ĩãrãkoa. Daporare marĩ ĩgũrẽ sĩrũgã masĩã. Puru Marĩpu marĩrẽ masĩpeorosũta marĩde masĩpeorãkoa.

13 Daporare ure wãĩ ããrã: Marĩpũre buremurĩ, ĩgũ marĩrẽ õãrõ irigukumi, ãrĩ usuyari, marĩ gãme maĩrĩ ããrã. Iri ure wãĩ neõ perebirikoa. Gãme maĩrĩ gapu gaji nemorõ õãrĩ ããrã.

14

Gaji masã ya wenenĩ merã marĩ wenenĩmasĩbirikererã wenenĩmarẽ gojadea

¹ Gajerãrẽ maĩnemoka! Irasũ ããrĩmakũ, Marĩpũyare Õãgũ deyomarĩgũ mũsarẽ irimasĩrĩ sĩrĩrẽ gããmekala! ããrĩpereri ĩgũ irimasĩrĩ sĩrĩrẽ gũñarã, gaji nemorõ Marĩpũ weredorerosũ weremasĩrĩ gapũre bũro gããmekala!

² Sugũ gaji masã ya wenenĩ merã wenenĩmasĩbirikeregũ wenenĩmakũ, Marĩpũ dita ĩgũ wenenĩrĩrẽ pémi. Masaka gapũ ĩgũ wenenĩrĩrẽ pébema. Õãgũ deyomarĩgũ turari merã Marĩpũyare masĩña marĩdeare wenenĩmi.

³ Marĩpũ weredorerosũ weregũ gapũ masakare weremi. ĩgũ wereri pérãrẽ Jesucristore bũremunemomakũ yámi. ĩgũ wereri merã ĩgũsarẽ õãrõ ããrĩrikũmakũ, õãrõ yũjũpũrãkũmakũ yámi.

⁴ Gaji masã ya wenenĩ merã wenenĩmasĩbirikeregũ wenenĩgũ ĩgũ basi Jesucristore bũremunemogũ yámi. Marĩpũ weredorerosũ weregũ gapũ gajerã Jesucristore bũremurãrẽ ĩgũrẽ bũremunemomakũ irigũ yámi.

⁵ Gaji masã ya wenenĩ merã mũsã wenenĩmasĩbirideare ããrĩpererã mũsã wenenĩmasĩmakũ gããmea yũ. Iri nemorõ Marĩpũ weredorerosũ mũsã weremakũ bũro gããmea. Marĩpũ weredorerosũ weregũ gapũ, gaji masã ya wenenĩ merã wenenĩgũ nemorõ masakare iritamugũ ããrĩmi. Irasũ ããrĩkerepũrũ, gaji masã ya wenenĩrĩrẽ pégũ: “Ãsũ ãrĩdũaro yáa”, ãrĩ weremakũ

õãgoráa. Ìgũ irasũ ãrĩ weregũ, Jesucristore b̃remurãrẽ ìgũrẽ b̃remunemomakũ irigũ yámi.

6 Yaará, yũ m̃sã p̃rogue waagú, gajĩ masã ya werenĩrĩ merã werenígũ, m̃sãrẽ iritamubiribokoa. Marĩpũ ìgũyare yũre masĩmakũ irideare weregũ, ìgũya díayema kerere masĩrĩ merã weregũ, ìgũ yũre weredorerire weregũ, ìgũyare m̃sãrẽ buegũ, m̃sãrẽ iritamubokoa.

7 Keori merã m̃sãrẽ weregũra. Tẽrẽdirure keoro puribirimakũ, o arpa wãikũro b̃ap̃t̃ẽrõde keoro b̃ap̃t̃ẽbirimakũ, irĩ wãĩ bayari ããrĩkoa, ãrĩmasĩña máa.

8 Surara gãmewẽjẽrã waaburi dupuyuro sugũ ìgũsã merãmũ puridirure keoro puribirimakũ, gajerã surara ìgũsã mojõkũburire ãmubirikuma.

9 M̃sãde irasũta ããrã. M̃sã gajĩ masã ya werenĩrĩ merã werenĩmakũ p̃rã: “Ãsũ ãrĩrã irikuma ìgũsã”, ãrĩmasĩbirikuma. Irasirirã m̃sã ubugorata werenĩmoãmakõãrã irikoa.

10 I ùmũguere wãri buri marã ããrĩma. Ìgũsã basi ìgũsã werenĩrĩrẽ p̃emasĩma.

11 Yũ gajĩ masã ya werenĩrĩ merã werenígũrẽ p̃ebi: “Gajeromũ ããrĩmi”, ãrĩ gũñagũkoa. Ìgũde yũ gajĩ masã ya werenĩrĩ merã werenĩmakũ p̃ebi yũre: “Gajeromũ ããrĩmi”, ãrĩ gũñagũkumi.

12 Irasũta ããrã m̃sãdere. M̃sã Õãgũ deyomarĩgũ turaro merã irimasĩrĩ sĩrĩrẽ gããmea. Irasirirã gajerã Jesucristore b̃remurãrẽ ìgũrẽ b̃remunemomakũ irimasĩrĩrẽ b̃uro gããmekã!

13 Irasirigũ sugũ gajĩ masã ya werenĩrĩ merã werenĩmasĩbirikeregũ werenígũno Marĩpũre: “Yũ

werenírĩrẽ gajerãrẽ: ‘Ãsũ ãrĩduaro yáa’, ãrĩ were-
makũ iritamuka yũre!” ãrĩ sërëburo.

14 Yũ gaji masã ya werenírĩ merã werenímasĩbirikeregu werenírĩ merã Marĩpure sërëgũ, Ôãgũ deyomarĩgũ gũñarĩ sĩrĩ merã sërëa. Irasũ sërëkeregu, gũñarĩ merã yũ sërëadeare: “Ãsũ ãrĩduaro irikoa”, ãrĩ pémasĩbirikoa.

15 Irasirirã ãsũ iriro gããmea. Ôãgũ deyomarĩgũ turari merã gaji masã ya werenírĩ merã Marĩpure sërërõ gããmea. Irasũ ããrĩmakũ, pémasĩrĩ merã marĩ ya werenírĩ merã Marĩpure sërërõ gããmea. Ôãgũ deyomarĩgũ turari merã gaji masã ya werenírĩ merã Marĩpure bayapeoro gããmea. Irasũ ããrĩmakũ, pémasĩrĩ merã marĩ ya werenírĩ merã Marĩpure bayapeoro gããmea.

16 Marĩ Ôãgũ deyomarĩgũ turari merã gaji masã ya werenírĩ merã Marĩpure usuyari sĩkerepurũ, marĩ merã ããrĩrã pébiribokuma. Ĩgũsã irire pémerã: “Irasũta ããrã”, ãrĩ, marĩ merã Marĩpure usuyari sĩbiribokuma.

17 Marĩ gaji masã ya werenírĩ merã Marĩpure usuyari sĩrĩ õãgoráa. Irasũ ããrĩkerepurũ, marĩ merã ããrĩrã gapũ marĩ werenírĩrẽ pébirimakũ, marĩ ĩgũsãrẽ Jesucristore bũremunemomakũ iribirikoa.

18 Gaji masã ya werenírĩ merã werenímasĩbirikeregu werenírĩrẽ yũta musã ããrĩpererã nemorõ werenía. Irire irisĩã, Marĩpure usuyari sĩa.

19 Irasũ ããrĩkeregu, Jesũre bũremurã nerërõgue gaji masã ya werenírĩ merã wári musã pébirire yũ weremakũ musãrẽ õãbirikoa. Musã pémasĩrĩrẽ yũ mérĩgã weremakũ gapũ, musãrẽ õãrokoa.

20 Yaarã, majĩrã pémasĩmerã irirosũ gũñabirikõãka! Murã irirosũ õãrõ pémasĩrĩ merã gũñaka! Ñerõ iriri gapure majĩrãgã gũñamerã irirosũ ããrĩka!

21 Marĩpũya werenĩrĩ gojadea pũgue ãsũ ãrĩ gojasũdero ããrĩbú: “Marĩ Opũ ãsũ ãrĩmi: ‘Gajero marãrẽ ãgũsã ya werenĩrĩ merã i makã marãrẽ weredoregũra. Yaare ãgũsãrẽ irasũ weredorekerepũũ, i makã marã yũre neõ bũremubirikuma’, ãrĩmi marĩ Opũ”, ãrĩ gojasũdero ããrĩbú.

22 Irasirigũ Marĩpũ gajero marãrẽ ãgũsã ya werenĩrĩ merã ãgũrẽ bũremurãrẽ weredoregũ, ãgũsã ãgũrẽ bũremubirire ãmumi. ãgũrẽ bũremurã gapure irasiribemi. ãgũyare ãgũ weredorerosũ wererã merã ãgũsãrẽ weremi.

23 Irasirirã mũsã Jesúre bũremurã nerẽrõgue gaji masã ya werenĩrĩ merã werenĩmasĩbirikererã werenĩrĩrẽ mũsã ããrĩpererã werenĩbokoa. Mũsã irasũ werenĩmakũ, Marĩpũyare masĩmerã, gajerã Jesúre bũremumerãde ñajãjabokuma. Mũsã irasũ werenĩrĩrẽ pérã, mũsãrẽ: “Ñiãrĩmasã ããrĩma”, ãrĩbokuma.

24 Mũsã ããrĩpererã Marĩpũ weredorerosũ weremakũ Marĩpũyare masĩbi, Jesúre bũremubide ñajãri pégu, ãgũ ñerõ irideare masĩgũkumi. Irasirigũ ãgũ ñerĩ irideare bujaweregũkumi.

25 ãgũ gũñarĩgue ñerõ: “Ñerĩrẽ gũñayo yũ”, ãrĩ pémasĩgũkumi. Irasirigũ ñadũkupuri merã ejamejã, Marĩpũre: “Yũ Opũ ããrã”, ãrĩ bũremugũkumi. Irasũ ããrĩmakũ: “Marĩpũ diayeta mũsã merã ããrĩmi”, ãrĩ masĩgũkumi.

Mũsã nerẽrã, gopeyari merã õãrõ keoro irika!

ãrĩ gojadea

26 Yaará, m̄sãrẽ ãsũ ãrĩ werea. M̄sã nerẽmakũ, surãyeri Marĩp̄re bayapeoma. Gajerã Marĩp̄yare buema. Gajerã Marĩp̄ ãgũyare ãgũsãrẽ masĩmakũ irideare werema. Gajerã gaji masã ya werenĩrĩ merã werenĩmasĩbirikererã werenĩma. Gajerã iri werenĩrĩrẽ: “Ãsũ ãrĩd̄aro yáa”, ãrĩ werema. Irasirirã ããrĩpereri irire m̄sã Jesũre b̄remurã õãrõ keoro irika, m̄sã ãgũrẽ b̄remunemoburosũta!

27 Irasirirã gaji masã ya werenĩrĩ merã werenĩmasĩbirikererã werenĩrã, p̄rã, o ɯrerã werenĩburo. Sugũ werenĩ odoadero p̄rũ, gajigũ werenĩburo. P̄rũ gajigũ ãgũsã werenĩrĩrẽ: “Ãsũ ãrĩd̄aro yáa”, ãrĩ wereburo.

28 M̄sã nerẽmakũ, ãgũsã werenĩrĩrẽ: “Ãsũ ãrĩd̄aro yáa”, ãrĩ werebu marĩmakũ, gaji masã ya merã werenĩbirikõãburo. ãgũsã seyaro ãgũsã gũñarĩgue Marĩp̄ merã werenĩburo.

29 Marĩp̄ weredorerosũ wererãde, p̄rã, o ɯrerã wereburo. Irasũ keoro weremakũ p̄rã, gajerã ãgũsã wererire: “Diayeta Marĩp̄ya kereta ããrã”, ãrĩburo.

30 M̄sã nerẽrõgue sugũ weremakũ, Marĩp̄ gajigũre iroque doagũre weredoremakũ, werep̄roriadi gap̄ toeburo.

31 M̄sã irasũ irirã, m̄sã ããrĩpererã Marĩp̄ weredorerosũ weremasĩrãkoa. Sugũ werep̄roriadi were odoadero p̄rũ, gajigũ werewãgãnburo. Irasirimakũ, ããrĩpererã pé, õãrõ yujp̄rãkũrãkuma.

32 Marĩp̄ weredorerosũ wererã m̄sã wereburi

dupuyuro: “¿Naásũ ããrĩmakũ irire wererãkuri?” ãrĩ gũñapũroriro gããmea.

³³ Marĩ nerẽmakũ, Marĩpũ marĩrẽ keoro irimakũ gããmemi. Noó gããmerõ iriro marĩrõ usuyari merã nerẽmakũ gããmemi. ããrĩpererogue Jesúre bũremurã nerẽrãrẽ irasũ dita irimakũ gããmemi.

³⁴ Jesúre bũremurã nerẽmakũ, nome werenĩbirikõãburo. Nomerẽ werenĩdoreri máa. Werenĩrõnorẽ irirã, Marĩpũya werenĩrĩ gojadea pũgue dorederosũta õãrõ péro gããmea.

³⁵ Jesúre bũremurã nerẽmakũ, sugo nomeõ werenĩgõ, gũyasĩũrõ iribokumo. Irasirigo igo gajino õãrõ pébiradeare masĩdũago igoya wiigue igo marãpũre sērẽñaburo.

³⁶ Ire mũsã masĩka! Mũsã Marĩpũya kerere werepũrorinerã ããrĩbea. Irasũ ããrĩmakũ, mũsã dita ãgũyare bũremurã ããrĩbea. Gajerãde ãgũrẽ bũremurã ããrĩma.

³⁷ Sugũ mũsã merãmũ: “Yũ Marĩpũ weredorerosũ weregũ ããrã”, ãrĩ gũñagũ, o gajigu: “Yũ Õãgũ deyomarĩgũ irimasĩrĩ sĩrĩrẽ opáa”, ãrĩ gũñagũ, i yũ mũsãrẽ gojarire: “Marĩ Opũ doreri ããrã”, ãrĩ masĩgũkumi.

³⁸ Yũ gojarire: “Marĩ Opũ doreri ããrĩbea”, ãrĩmakũ, ãgũrẽ: “Marĩpũyare weregũ ããrĩbemi”, ãrĩka!

³⁹ Yaarã, Marĩpũ weredorerosũ weremasĩrĩrẽ bũro gããmekã mũsã! Mũsã merãmarãrẽ ãgũsã gajĩ masã ya merã werenĩmasĩbirikererã werenĩmakũ: “Werenĩmerãta!” ãrĩbirikõãka!

⁴⁰ Mũsã nerẽrã, noó gããmerõ iribirikõãka! Goepeyari merã ããrĩpereri mũsã iririre õãrõ keoro irika!

15

Cristo masãdeare gojadea

¹ Yaarã, y_u m_usãrẽ iripoegue weredeã, Jesu-cristo masakare tauri kerere daporare gũñamakũ gããmea. M_usã irire pérã, b_uremub_u. Daporadere irire b_uremuníkõãa.

² M_usã iri kerere b_uremusiã, peamegue waamurã meta ããrã. Iri kerere m_usãrẽ y_u weredeare b_uremurĩrẽ piribirimakũ, Marĩp_u m_usãrẽ taugukumi. M_usã iri kerere b_uremubirinerã, diayeta tausũbiribokoa.

³ Y_ure buedeare m_usãrẽ weretaub_u. Iri bueri, gaji bueri nemorõ õãtaria. ãsũ ããrã. Marĩp_uya werenĩrĩ gojadea pũgue gojaderosũta Cristo marĩ ñerõ irideã waja marĩrẽ boabosadi ããrĩmĩ.

⁴ Ìgũ boadero p_ur_u, ìgũrẽ yáanerã ããrĩmã. P_ur_u Marĩp_uya werenĩrĩ gojadea pũgue gojaderosũta u_uren_u waaró merã Marĩp_u ìgũrẽ masũdi ããrĩmĩ.

⁵ Ìgũrẽ masũdero p_ur_u, Cristo Pedrore deyoayup_u. P_ur_u ìgũ buedoreg_u pĩnerã, pe mojõma pere su gubu peru pẽrẽbejarãrẽ deyoayup_u.

⁶ P_ur_u suñarõ wárã quinientos masaka nemorõ ìgũrẽ b_uremurãrẽ deyoayup_u. Wárã ìgũrẽ ããnerã okama dapa. Gajerã boasianerã ããrĩmã.

⁷ P_ur_u Santiagore deyoayup_u. Iro p_ur_u ããrĩpererã ìgũ buedoreg_u pĩnerãrẽ deyoayup_u.

⁸ ããrĩpererã gajerãrẽ ìgũ deyoadero p_ur_u, y_udere deyoatũnumi pama. Majĩgũgã keoro deyoabigã deyoadi irirosũ y_u ããrĩkereg_u, Jesúre b_uremut_uyãa.

⁹ Ìgũ y_ure deyoaburi dupuyurogue ìgũrẽ b_uremurãrẽ ñerõ irigorenab_u. Irasirig_u gajerã Jesús buedoreg_u pĩnerã ããrĩpererã dokague ããrã.

Masaka yure: “Īgũ Jesús buedoregũ pídi ããrĩmi”, ãrĩmakũ: “Yũ Jesús buedoregũ píbodi ããrĩbiradibũ”, ãrĩ gũñáa.

¹⁰ Irasũ ããrĩkererũ, Marĩpũ yure òãrò iritamumi. Irasirigũ Jesucristo yure ĩgũyare buedoregũ pími. Marĩpũ yure ubugora òãrò iritamugũ meta yámi. Yũ ããrĩpererã gajerã Jesucristo buedoregũ pínerã nemorò moãa. Yũ gũñarĩ merã irasiribea. Marĩpũ yure òãrò iritamugũ, yũ merã ããrĩnkõãmi. Yure ĩgũ iritamurĩ merã òãrò moãmakũ yámi.

¹¹ Yũ bueri, gajerã Jesucristo buedoregũ pínerã bueri irirosũta ããrã. Gũã ããrĩpererã Jesucristo boa, masãdea kerere buea. I kerere pérã, mũsã ĩgũrẽ bũremunũgãbũ.

Boanerã masãburire gojadea

¹² Gũã, Cristo boa, masãdeare buekererũ, gajerã mũsã merã ããrĩrã: “Boanerã neõ masãbirikuma”, ãrĩma. ¿Nasirirã irasũ ãrĩrĩ ire?

¹³ Boanerã masãburi marĩmakũ, Cristode masãbiribodi ããrĩmĩ.

¹⁴ Cristo masãbirimakũ, gũã bueri neõ wajamarĩbokoã. Mũsã ĩgũrẽ bũremurĩde wajamarĩbokoã.

¹⁵ Marĩpũ boanerãrẽ masũbi, Cristodere masũbiribodi ããrĩmĩ. ĩgũ irasũ iribirimakũ, gũã: “Marĩpũ Cristore masũdi ããrĩmĩ”, ãrĩrã, ãrĩgatorã iribokuyo.

¹⁶ “Boanerã masãbirikuma”, ĩgũsã ãrĩrĩ diaye ããrĩmakũ, Cristode masãbiribodi ããrĩmĩ.

¹⁷ Cristo masãbirimakũ, ĩgũrẽ mũsã bũremurĩ wajamarĩbokoã. Irasirirã mũsã ñerĩ iridea waja, waja opakõãbokoã dapa.

18 Diayeta i irasũ ããrĩmakũ, Cristore bũremurã boanerã, ãgũrẽ bũremubirinerã peamegue waamurã irirosũ ããrĩbokuma.

19 Marĩ Cristore bũremurã: “Marĩ okarinũrĩ dita ãgũ merã õãrõ ããrĩrãkoa. Marĩ boadero pũũ masãburire masĩña máa”, ãrĩ gũñarã, ããrĩpererã masaka nemorõ boporã ããrĩbokoa.

20 “Cristo boadero pũũ, masãdi ããrĩmĩ”, ãrĩrĩ gapũ diaye ããrã. Marĩ ããrĩpererã masaka boadero pũũ masãburi dupuyuro masãpũroridi ããrĩmi.

21 ãsũ ããrã. Neõgorague ããrĩpũroridi Adán ñerĩ iripũroridea waja marĩ masaka ããrĩpererã boamurã dita ããrã. Pũũ Jesucristo õãrĩrẽ iripeodea waja marĩ boadero pũũ masãrãkoa.

22 Marĩ masaka ããrĩpererã Adán parãmerã ããrĩturiarã ããrĩrĩ waja boamurã dita ããrã. Cristoyarã marĩ ããrĩmakũ, marĩ boadero pũũ, Marĩpũ marĩ ããrĩpererãrẽ masũgũkumi.

23 Marĩpũ marĩrẽ keoro masũgũkumi. Cristo masãsiadi ããrĩmĩ. Pũũ ãgũ i ãũũgue dupaturi aarimãkũ, marĩ ãgũyarã ããrĩsĩã, masãrãkoa.

24 Irasũ waamakũ, i ãũũ pereakõãrokoa. Irinũrẽ Cristo ããrĩpererã ñerãrẽ: oparãrẽ, dorerãrẽ, turarãrẽ béogũkumi. ãgũ irasiriadero pũũ, ãgũ Pagure ãgũ ããrĩpererã Opũ ããrĩrĩrẽ wiagũkumi.

25 ãgũ wiaburi dupuyuro Marĩpũ Cristore ããturirã ããrĩpererãrẽ béogũkumi. ãgũsãrẽ béoburi dupuyuro Marĩpũ gããmederosũta Cristo ããrĩpererã Opũ ããrĩgũkumi.

26 ããrĩpererã ãgũrẽ ããturirãrẽ béoderõ pũũ, boaridere peremãkũ irigũkumi.

27 Marĩpũ ãgũya werenĩrĩ gojadea pũgue

ãrĩderosũta Cristore ããrĩpererãrẽ doregu, ããrĩpererire opagu ããrĩmakũ iridi ããrĩmĩ. Irasũ ãrĩrõ: “Marĩpũ weka doregu Cristo ããrĩmi”, ãrĩduaro meta yáa. Marĩputa ããrĩpererire, ããrĩpererãrẽ Cristo dokague pídi ããrĩmĩ.

²⁸ Marĩpũ ãgũrẽ irasiri ododero pũũ, Cristo Marĩpũ magũ ãgũ ããrĩpererãrẽ doregu, ããrĩpereri opagu ããrĩrĩrẽ Marĩpũre wiagukumi. Irasirigu Marĩpũ ããrĩpereri, ããrĩpererã Opũ ããrĩgukumi.

²⁹ Gaji ããrã. “Boanerã masãbirikuma”, ãgũsã ãrĩkerepũũ, ¿nasirirã gajerã masaka boanerãya ããrĩburire wãiyebosayuri? ãgũsã: “Boanerã masãbirikuma”, ãrĩrã, ãgũsãya ããrĩburire wãiyebosabiribokuma.

³⁰ Gũa: “Boanerã masãrãkuma”, ãrĩ bueri waja ãmũrikũ gajerã gũare ñerõ iridũama. Gũare ãgũsã ñerõ iridũakererũũ, boanerã masãburire masĩsĩã, irire buenĩkõãa.

³¹ Yaarã, i diayeta ããrã. Marĩ Opũ Jesucristore masã buremumakũ ããgũ, yũ burõ usuyáa. Ide diayeta ããrã. Æmũrikũ: “Masaka yũre wẽjẽkõãrãkuma”, ãrĩ péñáa.

³² Yũ Jesucristoya kerere bueri waja Efesoguere makãnúũ marã yéa burõ guarã irirosũ ããrĩrã, yũre ñerõ irima. “Boanerã masãbirikuma”, ãgũsã ãrĩrĩ diaye ããrĩmakũ, yũ irogue bueri waja ñerõ taridea wajamarĩbokuyo. “Boanerã masãbirikuma”, ãgũsã ãrĩrĩ diaye ããrĩmakũ, marĩde gajerã irirosũ ãsũ ãrĩ werenĩbokoa: “Náka baa, iirirã! Ñamigã boakõãbokoa. Irasirirã marĩ boaburi dupuyuro marĩ gããmerõ irirã!” ãrĩbokoa.

³³ Gajerã ãrĩgatorire pébirikõãka! Masaka ãsũ

ãrĩ werewukuma: “Ñerãrẽ wapikurã, musã õãrõ iririkurire pirikõãrãkoa”.

³⁴ Irasirirã musã dupuyurogue goepeyari merã keoro iriderosũta irika doja! Ñerĩrẽ irinemobirikõãka! Musã surãyeri Marĩpũre masĩbea. Musãrẽ gũyasĩrĩdoregũ irasũ ãrã.

Boanerã masãburire gojanemodea

³⁵ Gajipoe sugũ ãsũ ãrĩ sãrẽñabokumi: “¿Nasiri boanerã masãrãkuri? ¿Naásũperi dupũ oparãkuri?” ãrĩbokumi.

³⁶ Irasũ sãrẽñagũ pãmasĩbi ããrĩmi. Marĩ oteri yeri otedero pũrũ, iri yeri puriburi dupuyuro yeba poekague boakõãkoa. Boa, pũrũ puri wirikoa. Boabirimakũ, neõ puri wirimasĩbirikoa.

³⁷ Marĩ oterã, puridiguere ãĩ otebea. Dupayeri direta otea. Iri yeri trigo yeri ããrĩrõ, o gaji yeri ããrĩrõ ããrĩkoa.

³⁸ Iri yerire marĩ otedero pũrũ, Marĩpũ gapũ ãgũ gããmederosũta iri yerire purimakũ yãmi. Irasirigũ ojuduka yerire ojudukañu waamakũ yãmi. Trigo yerire trigo sari waamakũ yãmi. Irasũ dita yãmi Marĩpũ.

³⁹ ããrĩpererã okari oparã sũrosũ dupũkurã ããrĩbema. Masakaya dupũ, waimũrãya dupũ irirosũ ããrĩbea. Mirãya dupũ, waaiya dupũ irirosũ ããrĩbea.

⁴⁰ Ũmarõ marãya dupũ, i ũmũ marãya dupũ irirosũ ããrĩbea. Ũmarõ marã õãrĩ dupũ opama. I ũmũ marã, ũmarõ marã irirosũ ããrĩbirikererã, ãgũsãde õãrĩ dupũ opama.

⁴¹ Abe ũmũmũ kũmijũrĩ merã asimi. Ñamimũ irirosũ boyobemi. Neñukãde gajerosũperi gosema.

Neñukārē marī ãāmakū, gajerã sîrûgã goserã deyoma. Gajerã buro goserã deyoma.

⁴² Marī boanerã masãrã ãsū ãārĩrãkoa. Marī boamakū yáadero p̄r̄u, marīya dup̄u boarokoa. P̄r̄u masãrã, gaji dup̄u neõ boabiri dup̄u oparãkoa. Irasirirã neõ dupaturi boabirikoa.

⁴³ Marīya dup̄ure yáamakū, boanerãya dup̄u boari dup̄u, turabiri dup̄u daro ããrã. Marĩp̄u marĩrē masūmakū, marīya dup̄u õãrĩ dup̄u, turari dup̄u ããrĩrokoa.

⁴⁴ Marīya dup̄ure yáamakū, marīya dup̄u i ãm̄uma dup̄u ããrã. Marī boanerã masãmakū, marīya dup̄u ãm̄ugasima dup̄u ããrĩrokoa. Irasirirã ãsū ãrĩ masĩa. Daporare marī i ãm̄uma dup̄ure opáa. P̄r̄u ãm̄ugasima dup̄ure oparãkoa.

⁴⁵ Marĩp̄uya werenĩrĩ gojadea p̄gue ãsū ãrĩ gojasũdero ããrĩbú: “Marĩp̄u ãgũ irip̄roridi Adãrē okarire sĩdi ããrĩmĩ”, ãrĩ gojasũdero ããrĩbú. Adán p̄r̄um̄u Jesucristo gap̄u perebiri okarire sĩgũ ããrĩmĩ.

⁴⁶ Marī i ãm̄uma dup̄ure opar̄goria. P̄r̄uguerẽ ãm̄ugasima dup̄ure oparãkoa.

⁴⁷ I ãm̄ugue ããrĩp̄roridi Adán, nikū merã irisũdi ããrĩmĩ. ãgũ p̄r̄um̄u marī Op̄u Jesucristo gap̄u ãm̄ugasiguem̄u ããrĩmĩ.

⁴⁸ Adán nikū merã iridea dup̄u dup̄uk̄derosũ marĩ ããrĩpererã nikū merã iridea dup̄u dup̄uk̄ua. Irasũ ããrĩmakū, ãm̄ugasiguem̄u Jesucristoyarã ããrĩsĩã, ãgũya dup̄u irirosũ dup̄uk̄rãkoa.

⁴⁹ Adán nikū merã irisũdi ããrĩmĩ. Marĩ ãgũ irirosũ dup̄uk̄ua. P̄r̄u ãm̄ugasiguem̄u Cristo irirosũ dup̄uk̄rãkoa.

50 Yaará, m̄sārē ire werea. Marĩrē i ūm̄ma dup̄ merā ūm̄gasigue Marĩp̄ ĩḡyarārē dorerogue neō waamasĩña máa. I ūm̄ma boaburi dup̄ merā ūm̄gasigue perebiri okari āārĩr̄ōguere neō waamasĩña máa.

51-52 Masaka masĩbirideare daporare m̄sārē wereḡra. Jesucristo i ūm̄gue dup̄turi aariburi dup̄uyuro āārĩpererā ĩḡyarā boabirikuma. Jesucristo aaripoe Marĩp̄re wereboeḡ puridiru purit̄nuḡkumi. Iras̄u puriadero p̄r̄, mata k̄rĩ yoberā iriros̄u marĩ āārĩpererā Jesucristore b̄remurā gorawayurākoa. Marĩ boanerā gaji dup̄ boabiri dup̄ merā masārākoa. Irasirirā neō dup̄turi boabirikoa. Okarāde gaji dup̄ boabiri dup̄ oparākuma.

53 Marĩp̄ marĩya dup̄ pereburi dup̄re gorawayuḡkumi, perebiri dup̄re opaburo, ārĩḡ. Marĩya dup̄ boaburi dup̄re gorawayuḡkumi, neō boabiri dup̄re opaburo, ārĩḡ.

54 Marĩya dup̄ pereburi dup̄, neō perebiri dup̄re gorawayumak̄, marĩ boaburi dup̄, neō boabiri dup̄re gorawayumak̄, Marĩp̄ya werenĩrĩ gojadea p̄gue ārĩderos̄ta waarokoa. Ās̄u ārĩ gojas̄dero āārĩb̄ iri p̄guere: “Marĩp̄ boarire béok̄āmi, dup̄turi marĩrē neō boabirik̄ōāburo, ārĩḡ.

55 Marĩ boak̄ōārākoa, ārĩ güidea pereak̄ōā”, ārĩ gojas̄dero āārĩb̄.

56 Marĩ ñerō iridea waja boamurā dita āārā. Marĩp̄ Moisére doreri pídea merā marĩ ñerō irideare mas̄a.

57 Iras̄u āārĩkerep̄r̄, Marĩp̄ marĩ Op̄ Jesucristo iridea merā marĩrē peamegue waabonerārē

taumi. Irasirirã Marĩpũre: “Õãtaria mũ”, ãrĩ, mũyari sĩa.

⁵⁸ Irasirirã, yaarã yũ maĩrã, mũsãrẽ ãsũ ãrĩ weregũra. Mũsã marĩ Opũ Jesucristore bũremurĩrẽ neõ piribirikõãka! Gajerã mũsãrẽ ãgũyare béodoremakũ, neõ béobirikõãka! Ëmurikũ ãgũ moãdorerire õãrõ irinĩkõãka! Ire marĩ masĩa. ãgũ merã marĩ õãrõ ããrĩrã ãgũ marĩrẽ moãdorerire irimakũ, marĩ moãrĩ, ubu ããrĩrĩ neõ ããrĩbea.

16

Corinto marã gajerã Jesũre bũremurãrẽ niyeru sĩburi neeõrĩrẽ gojadea

¹ Daporare mũsãrẽ niyeru neeõ, mũsã gajerã Jesũre bũremurãrẽ sĩburire weregũra. Yũ gajerã Jesũre bũremurãrẽ Galacia nikũgue ããrĩrãrẽ dorederosũta mũsãde irika!

² Semanarikũ siuñajãrĩnũ* ããrĩmakũ, ããrĩpererã mũsã gajerã Jesũre bũremurãrẽ sĩburi niyerure dukawa duripĩka! Mérõgã oparã mérõgã dukawa duripĩka! Waaweyaro oparã waaweyaro dukawa duripĩka! Irasirirã, yũ mũsã pũrogue ejamakũ, mũsã sĩburire opasiarãkoa.

³ Yũ mũsã pũrogue ejagũ, mũsã beyenerãrẽ Jerusalẽgue iriugũkoa. Papera pũgue ãsũ ãrĩ gojagũkoa: “Ĩisã ããrĩma Corinto marã beyenerã”. Irasũ ãrĩ goja odo, ãgũsã merã iri pũrẽ, mũsã duripĩ neeõdea niyerure iriugũkoa, Jesũre bũremurã Jerusalẽgue ããrĩrãrẽ sĩdoregu.

* **16:2** Jesũre bũremurãya siuñajãrĩnũ, domingo ããrã. Domingo ããrĩmakũ, Jesũs boadigue masãdi ããrĩmĩ. Irasirirã, domingo ããrĩmakũ, ãgũrẽ bũremurã nerẽnama.

4 Mũsã yũre: “Īgũsã merã waamakũ gããmea”, ãrĩmakũ, ĩgũsã yũ merã waarãkuma.

Pablo ĩgũ Corintogue waaburire gojadea

5 Yũ mũsã pũrogue waagũ, Macedonia nikũgue waapũrorigũkoa. Irore tariwãgã, mũsã pũro waagũkoa.

6 Gajipoe irigũ yoaweyaripoe mũsã merã ããrĩgũkoa, o gajipoe irigũ puibũre ããrĩpeogũ, ããrĩpeokõãbokoa. Irasirirã mũsã yũ gajerogue waaburire iritamumasĩrãkoa.

7 Yũ mũsãrẽ ĩãrĩ dita ĩãtariadũabirikoa. Irasirigũ marĩ Opũ gããmemakũ, yoaripoe mũsã merã ããrĩgũkoa.

8 Pentecostés bosenu ããrĩmakũ, õõ Efesogueta taugũkoa dapa.

9 Õõguere wãri moãrĩ ããrã. Marĩ Opũya kerere pẽdũarã wãrã ããrĩma. Irasũ ããrĩmakũ, yũ irire weremakũ kãmutadũarãde wãrã ããrĩma.

10 Timoteo mũsã pũrogue ĩgũ ejamakũ, ĩgũrẽ õãrõ merã bokatĩrĩ, õãrõ usũyari merã ñeãka! Mũsã irasirimakũ, ĩgũ mũsã merã bũjawereri marĩrõ ããrĩgũkumi. ĩgũ yũ irirosũ marĩ Opũyare moãmi.

11 Irasirirã ĩgũrẽ irasũ ĩãbéomerãta õãrõ merã ĩgũrẽ iritamuka! Mũsã irasirimakũ, ĩgũ yũ pũrogue õãrõ usũyari merã goedujarigũkumi. Gajerã Jesũre bũremurã merã gũa ĩgũrẽ yũrã yãa. Irasirirã, ĩgũ õõgue aariburire iritamuka!

12 Apolore marĩyagũ Jesũre bũremugũrẽ mũsãrẽ ĩãgũ waamakũ bũro gããmeadibũ. Irasirigũ ĩgũrẽ gajerã Jesũre bũremurã merã waadoreadibũ. Yũ waadorekererũũ, ĩgũ daporare waadũabemi.

Puru ĩgũrẽ gajino iriri marĩmakũ, musã pũrogue waagakumi.

Pablo Corinto marãrẽ õãdoretũnudea

13 Õãrõ pémasĩka! Jesucristore bũremurĩrẽ neõ piribirikõãka! Güiri marĩrõ õãrõ gũñaturarã ããrĩka! Marĩpũ turari merã õãrõ ããrĩrikũka!

14 ããrĩpereri gajinorẽ irirã, gajerãrẽ maĩrĩ merã irika!

15 Yaarã, musã masĩa. Acaya nikũguere Estéfanos wãikũgũya wii marã, gajerã iro marã Jesúre bũremupũroriburi dupuyuro ĩgũrẽ bũremupũrorinerã ããrĩma. ĩgũsã, gajerã Jesúre bũremurãrẽ õãrõ iritamunĩkõãma.

16 ĩgũsã irirosũ irirãrẽ õãrõ ĩgũsã dorerire iritayaka! Gajerã ĩgũsã merã Jesucristoyare moãtamurãrẽ musã õãrõ ĩgũsã dorerire iritayamakũ gããmea yũ.

17 Musã merãmarã Estéfanos, Fortunato, Acaico yũ pũrogue ejasiamã. ĩgũsã yũ merã ããrĩmakũ, bũro usũyãa. ĩgũsã musã yũre iritamuboadeare iritamuma.

18 Yũre õãrõ yũjũpũrãkũmakũ yãma. Musãdere irasũta iriñurã. Musãrẽ gajerã pũrogue ĩgũsã irirosũ irirãrẽ: “Õãrõ irirã yãma”, ãrĩ werero gããmea.

19 Asia nikũ marã Jesúre bũremurã musãrẽ õãdorema. Aquila, Priscila, gajerã Jesúre bũremurã ĩgũsãya wiigũe nerẽnarãde musãrẽ bũro õãdorema.

20 Õõ marã Jesúre bũremurã ããrĩpererã musãrẽ õãdorema. Usũyari merã gãme bokatĩrĩ, õãrõ merã mojõ ñeãnaka!

21 Yũ Pablo, yũ basi: “Musãrẽ õãdorea”, ãrĩ gojãa.

22 Marĩ Opure Jesucristore maĩbino
wajamoãsũburo. “Gua Opure aarika!”

23 Marĩ Opure Jesucristo musãrẽ õãrõ iritamuburo.

24 Marĩ ããĩpererã Jesucristoyarã ããrã. Irasirigũ
yũ musã ããĩpererãrẽ bure maĩa. ãsũ ããrã. Irasũta
ããĩburo.

Iropãta ããrã.

Pablo

Marĩpuya Kerere Wereri Turi New Testament in Siriano

copyright © 2009 Wycliffe Bible Translators, Inc.

Language: Siriano

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Siriano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 18 Apr 2025 from source files
dated 29 Jan 2022
1a0774e8-d152-5929-891b-95e0d2238786